

Poileas is Co-Bhòrd Poileas a' Chinn a Tuath

Sgrùdadadh is modh-sgrùdadadh air deagh luach



Am Màrt 2010

The Accounts Commission

The Accounts Commission is a statutory, independent body which, through the audit process, assists local authorities in Scotland to achieve the highest standards of financial stewardship and the economic, efficient and effective use of their resources. The Commission has four main responsibilities:

- securing the external audit, including the audit of Best Value and Community Planning
- following up issues of concern identified through the audit, to ensure satisfactory resolutions
- carrying out national performance studies to improve economy, efficiency and effectiveness in local government
- issuing an annual direction to local authorities which sets out the range of performance information they are required to publish.

The Commission secures the audit of 32 councils and 44 joint boards and committees (including police and fire and rescue services).

Her Majesty's Inspectorate of Constabulary for Scotland

HMICS operates independently of police forces, police authorities and the Scottish Government and exists to monitor and improve the police service in Scotland. HMICS does this on behalf of the Scottish public by:

- monitoring, through self-assessment and inspection, how effectively the police service in Scotland is fulfilling its purpose and managing risk
- supporting improvement by identifying good practice, making recommendations and sharing our findings in order to achieve better outcomes for Scotland's communities
- providing advice to Scottish ministers, police authority and joint board members and police forces and services.

Even though HMICS is independent of the Scottish Government, ministers can call upon the Inspectorate to undertake particular pieces of work.

Audit Scotland is a statutory body set up in April 2000 under the Public Finance and Accountability (Scotland) Act 2000. It provides services to the Auditor General for Scotland and the Accounts Commission. Together they ensure that the Scottish Government and public sector bodies in Scotland are held to account for the proper, efficient and effective use of public funds.

Clàr-amais

Toradh a' choimisein	2	Co-lonnachd	26
Toraidhean HMICS	3	Seasmhachd	28
Ro-ràdh	4	A' libhrigeadh toraidhean a' phlana phoileasachaidh	29
Na rianan trì-pàirteach is an dreuchd ceannardais aig ùghdarrasan a' phoileis	6	Amas 1 - rathaidean nas tèarainte	30
Gearr-chunntas	7	Amas 2 - ìsleachadh eucoir	31
Am measadh corporra	11	Amas 3 - lonnsaigh air eucoir chruaidh	32
An lèirsinn is an stiùireadh ro- innleachdail	11	Amas 4 - coimhairsnachdan nas tèarainte is nas làidire	34
Riaghlass is cunntasalachd	13	Amas 5 - cumail an òrduigh phoblaich	35
Obair ann an com-pàirteachas is dol an sàs na coimhairsnachd	17	Molaidhean leasachaidh	37
Stiùireadh is leasachadh dèanadais	19	Am prògram leasachaidh	37
Cleachdadh nan goireasan	22	Clàr-gnothaich leasachaidh	38
		Leasachan 1	40

Toradh a' choimisein

1. 'S e seo an dàrna aithisg air sgrùdadh is modh-sgrùdadh air dèanadas ùghdarras is forsa a' phoileis a thaobh an dleastanasan achdail airson deagh luach is planadh coimhearsnachd. Chaidh a dhèanamh le Smachdaiche a' Mhodh-sgrùdaidh is Sgrùdaiche Constablichd a Mòrachd airson Alba. Tha Coimisean nan Cunntas a' gabhail ris an aithisg le Smachdaiche a' Mhodh-sgrùdaidh air Co-Bhòrd Poilean a' Chinn a Tuath. Tha na toraidhean a' beantainn ri modh-sgrùdadh deagh luach a' Bhùird a-mhàin, a-rèir uallaichean achdail a' Choimisein.
2. Tha an Coimisean a' cur fàilte air an fhianais a sheallas gu bheil deagh luach anns a' Bhòrd air iomadh dòigh. Gu h-àraid—
 - Tha e glè mhothachail dha dreuchd is tha e èifeachdach na os-shealladh ro-innleachdail is sgrùdadh air dèanadas an fhorsa is cunntachalachd a' phrìomh chonstabail.
 - Tha e a' sealltann dàimh dhlùth ri com-pàirteachasan planadh na coimhearsnachd is targaidean còrdaidhean aon-amasach a tha iomchaidh do dh'obair a' Phoileis.
 - Tha e ag obair còmhla ris a' phrìomh chonstabail is an fhorsa gu math agus tha com-pàirteachas èifeachdach eatarra ann an cruthachadh deagh luach.
 - Tha e a' dèanamh cinnteach gu bheil priomhachasan a' Phoileis a' cur cudrom air feum nan coimhearsnachdan ionadail.
3. Tha cothroman aig a' Bhòrd fhathast gus a dhreuchd a leasachadh. Gu h-àraid—
 - Bu chòir dha brosnachadh a thoirt do cho-roinneadh a chuid dheagh chleachdaidhean le ùghdarrasan is forsaichean eile a' Phoileis.
 - Feumaidh e a' dèanamh cinnteach nas fhearr gum faigh e aithisgean dèanadais a sheallas gu bheil iad a' freagairt ris na priomhachasan ro-innleachdail.
 - Feumaidh iad structar nas fhearr a chur gu feum ann am marasgladh nan cunnartan ro-innleachdail is sgrùdadh nam freagairt air na cunnartan seo.
 - Bu chòir dha a bhith nas brosnachail ann an stèidheachadh leasachaidhean ann am marasgladh dèanadais. Mar eisimpleir, bu chòir dha dèanamh cinnteach gum bi dàta dèanadais ri làimh – can fiosrachadh air gach prìomh roinn de bheart-deilbh dèanadas poileas na h-Alba – leis an dèan iad coimeas èifeachdach ri forsaichean eile.
 - Bu chòir dha dèanamh cinnteach gun tèid aire do chùisean co-ionnanachd is iomadachd amalachadh nas doimhne na obair is giùlan a chuid bhall.
4. Tha sinn a' mothachadh gu bheil fianais ann air mi-chòrdalas anns an dàimh eadar am bòrd is a chomhairlean. Tha e cudromach gu bheil an dàimh eadar am bòrd is a chomhairlean soilleir, gu h-àraid a thaobh roinneadh is cleachdadhe ghoireasan. Bu chòir dha an soilleireachadh (a tha Riaghaltas na h-Alba a' beachdachadh air an-dràsta ann an co-chomhairle COSLA is ACPOS) air treòrachas nan dleastanasan is uallaichean aig gach bòrd poileis is an cuid ballrachd.
5. Tha sinn a' dèanamh fiughair ri plana leasaichte on bhòrd mar fhreagairt air a' chlàr-leasachaидh a tha ann an co-aithisg an sgrùdaidh 's a' mhodh-sgrùdaidh.
6. Tha an coimisean ag aideachadh le taing gun d' fhuair co-sgioba an sgrùdaidh 's a' mhodh-sgrùdaidh taic is co-obrachadh o bhuill thaghte Co-Bhòrd Poileas a' Chinn a Tuath, o phriomh chonstabail is oifigearan Poileas a' Chinn a Tuath is oifigearan is com-pàrtichean planadh na coimhearsnachd eile.
7. Tha an coimisean a' cur fàilte air a' cho-obrachadh le HMICS anns na h-aithisgean sgrùdaidh is modh-sgrùdaidh seo agus am brosnachadh mòr a thug seo do sgrùdadh nas èifeachdaiche agus do dhealas ann an cosnadh deagh luach.

Toraidhean HMICS

1. Tha mi ro-thoilichte mo thoraidhean a' thoirt dhuibh anns a' cho-aithisg sgrùdaidh is mhodh-sgrùdaidh seo. Mar Sgrùdaiche Constablichd A Mòrachd airson Alba, tha uallach achdail orm sgrùdadadh a dhèanamh an dà chuid air Co-Bhòrd Poileas a' Chinn a Tuath is Poileas a' Chinn a Tuath. An cois toraidhean Coimisean nan Cunntas air dèanadas deagh luach is planadh na coimhearsnachd le Co-Bhòrd Poileas a' Chinn a Tuath, bu toigh leam na leanas a chur an cèill mu dhèanadas Poileas a' Chinn a Tuath.
2. 'S e mo mheasadh air Poileas a' Chinn a Tuath san fharsaingeachd gu bheil e a' dèanamh gu math agus gu bheil deagh luach anns an fhorsa air iomadh dòigh. Tha deagh dhàimh obrach le Co-Bhòrd Poileas a' Chinn a Tuath aig Poileas a Tuath 's bidh iad ag obair taobh ri taobh ri planadh na coimhearsnachd is a' stiùireadh leasachadh. Tha priomh dhreuchd aig an fhorsa-ghniomha ann an toirt dùbhlann do dhèanadas agus tha 's urrainn dhan fhorsa innse dhuinn gu bheil eucoir bheag is rèitichean fuasgladh àrda aca an coimeas ri feadhainn eile ann an Alba. Chaith am forsa ath-structaradh gu mòr, a' cur am meud libhrigeadh seirbheisean poileasachaidh-aghaidh, 's ath-sgrùdadadh air a dhèanamh air an fhorsa o chionn ghoirid.
3. Tha cothroman leasachaidh aig an fhorsa fhathast ann an cuid de dh'àitichean. Gu h-àraig:
 - Bu chòir dhan fhorsa eileamaidean a phlanaidh ro-innleachdail amalachadh mar neartachadh a stiùridh agus sgaoileadh soilleir a chuid phriomhachasan.
 - Bu chòir dhan fhorsa piseach a chur air a mharasgladh dèanadais is bu chòir dha am fiosrachadh seo a sgaoileadh gu soilleir am broinn is taobh a-muigh an fhorsa.
 - Na iomairt leasachaidh, bu chòir dhan fhorsa cudrom a chur air coileanadh nan targaidean nàiseanta mu làimhseachadh ghlaodhan is dèanamh aithisgean do Chasaidiche a' Chrùin is Aithrisiche na Cloinne.
 - Bu chòir dhan fhorsa am feum as mothà fhaighinn o ghoireasan luchd-obrach fhad 's a leasaicheadh tuigse nas fhearr de chosgaisean obair a' phoileis.
4. Tha mi a' dèanamh fiughair ri plana leasaichte o Phoileas a' Chinn a Tuath mar fhreagairt air a' chlàr-leasachaidh a tha ann an co-aithisg an sgrùdaidh 's a' mhodh-sgrùdaidh seo.
5. Bu toigh leam aideachadh le taing cuideachd gun d' fhuair co-sgioba an sgrùdaidh 's a' mhodh-sgrùdaidh taic is co-obrachadh o bhuill thaghte Co-Bhòrd Poileas a' Chinn a Tuath, o phriomh chonstabhal is oifigearan Poileas a' Chinn a Tuath is oifigearan is com-pàrtichean planadh na coimhearsnachd eile.
6. Tha mi a' cur fàilte air a' cho-obrachadh eadar an sgrùdadadh is am modh-sgrùdadadh a chaidh a chleachdadadh ann an cruthachadh na h-aithisge seo agus tha mi a' faireachdainn gun deach a shealltainn mu thràth gun do chuir seo ri rian sgrùdaidh na b' èifeachdaiche a chuireas an cèill ar dealas ann an cosnadh dheagh luach.

Ro-ràdh

Thatthar a' dèanamh a' cho-aithisg seo le Smachdaiche nam Modh-Sgrùdadh do Choimisean na Cuntas fo earrann 102(1) Achd an Riaghaltais Ionadail (Alba) 1973 agus Sgrùdaiche Constablichd A Mòrachd (HMIC) fo earrann 33 Achd a' Phoileis (Alba) 1967.

Thug Achd an Riaghaltais Ionadail ann an Alba 2003 a-steach dleastanasan achdail ùra a thaobh deagh luach is planadh na coimhearsnachd. Tha ùghdarrasan ionadail fo bhuaidh, a' gabhail a-steach ùghdarrasan a' phoileis, is tha riatanasan ag iarraidh gu sònraichte:

- gun coilean na comhairlean is ùghdarrasan a' phoileis deagh luach (rud a tha ga mhìneachadh mar shìor leasachadh ann an dèanadas de dhreuchdan)
- gun gabh ùghdarrasan a' phoileis is na pìomh chonstabalan pàirt ann am pròiseas planadh na coimhearsnachd.

Leasaich an t-Achd na dòighean sgrùdaidh a chaidh a shuidheachadh ann an *Achd an Riaghaltais Ionadail (Alba) 1973* cuideachd 's e a' filleadh deagh luach a-steach is a' toirt cumhachd do Choimisean nan Cuntas gus sgrùdadh a dhèanamh air deagh luach am broinn ùghdarrasan a' phoileis. Tha dleastanas achdail air Aonad Sgrùdaidh Constablichd A Mòrachd ann an Alba (HMICS) fo earrann 33 *Achd a' Phoileis (Alba) 1967* a chum sgrùdadh nam forsaichean poileis is seirbheisean coitcheann a' phoileis agus a chum aithris a dhèanamh do Mhinistearan a thaobh an cor is èifeachd. Tha Achd 2003 a' leudachadh seo 's a' toirt cumhachd sgrùdaidh do HMICS agus aithris a dhèanamh do Mhinistearan na h-Alba ach a bheil ùghdarras ionadail a' coileanadh a dhreuchdan mar ùghdarras a' phoileis is a thaobh grunn chuspairean eile, a' gabhail a-steach deagh luach.

Tha treòrachadh achdail air deagh luach is planadh na coimhearsnachd ann a bheir taic do dh'achd 2003, a' gabhail a-steach sreach de notaichean air cuspairean sònraichte mar cheannardas de bhuill thaghte. Chaidh a dhealbhadh mar threòrachadh tuairisgeulach seach òrdachail, a' mìneachadh nan amasan a bu chòir a bhith aig buidheann ach a' toirt cead dhaibh na dòighean is slighean a chleachdas iad a thaghadh aig ire ionadail. Dh'fhoillsich Riaghaltas na h-Alba barrachd treòrachaидh airson ùghdarrasan is forsaichean a' phoileis. Tha seo a' gabhail a-steach *Justice Department Circular 11/2003 Best Value Guidance and the Guidance for Member of Police Authorities and Joint Boards* (June 2007).

Tha sgòp farsaing aig deagh luach is planadh na coimhearsnachd agus tha an treòrachadh is an t-achd a' cur an cèill gun dèan ùghdarras soirbheachail a' phoileis na leanas:

- bidh e ag obair còmhla ris a' phriomh chonstabal gus seata soilleir de phriomhachasan a chur ri chèile a fhreagras air feum na coimhearsnachd san ùine ghoirid is fhada
- bidh e air a chur an eagair gus taic a chur ri libhrigeadh nam pìomhachasan seo
- coileanaidh e feum na coimhearsnachd is seallaidh e gu soilleir gu bheilear ga choileanadh
- nì e obair air dòigh a bhrosnaicheas sìor leasachadh gach saothrach aige.

A bharrachd air sinn, nì *forsa soirbheachail a' phoileis* na leanas:

- bidh e ag obair còmhla ri a chom-pàirteachasan is ùghdarris(an) a' phoileis gus seata soilleir de phriomhachasan a chur ri chèile a fhreagras air feum na coimhersnachd san ùine ghoirid is fhada
- bidh e air a chur an eager gus na priomhachasan seo a libhrigeadh
- coileanaidh e feum na coimhersnachd is seallaidh e gu soilleir gu bheilear ga choileanadh
- nì e obair air dòigh a bhrosnaicheas sìor leasachadh gach saothrach aige.

'S iad seo na priomh amasan a bha aig a' cho-sgrùdadadh is a' cho-mhodh-sgrùdadadh seo:

- measadh a dhèanamh air coileanachd an cuid dleastanasan le Co-Bhòrd Poileas a' Chinn a Tuath is Poileas Cinn a Tuath fo Achd an Riaghaltais Ionadail ann an Alba 2003 is air a ghèilleachd ri treòrachas Riaghaltas na h-Alba.
- aontachadh ri leasachaidhean planaichte leis na h-ùghdarrasan ionadail, an fhorsa is a' bhòrd 's iad fo sgrùdadadh buan sgrùdaichean an taoibh a-muigh is HMICS.

On a tha deagh luach is planadh na coimhersnachd a' gabhail a-steach iomadh gniomh, cha ghabh an sgrùdadadh gu domhainn o bhun gu barr. Air sgàth sin, tha sinn ag amas air mion-sgrùdadadh air an dà dhòigh a leanas:

- cuiridh sinn gu feum toraidhean de phròiseasan sgrùdaidh eile far an urrainn dhuinn sin a dhèanamh, can an obair a rinn sgrùdachdan eile
- taghaidh sinn cuid de dhèanadasan an fhorsa 's a' bhùird a chum mion-sgrùdaidh. Cleachdaidh sinn iomadh tùs, a' gabhail a-steach measadh an fhorsa 's a' bhùird air a chuid dèanadas fhèin, aithisgean a chaidh fhoillseachadh as dèidh sgrùdaidhean is modh-sgrùdaidhean on taobh a-muigh agus Beart-Deilbh Dèanadas Poileasachadh na h-Alba (SPPF) mar mheasadh air cunnartan is ar n-obair a sgòpadh anns an taghadh seo.

Tha ar co-aithisg na mhac-shamhla air an dòigh chothromaitche seo, le iomradh mionaideach ann an cuid de dhàitichean is sùil ghoirid ann an cuid de dhàitichean eile. Tha na thuirisgeul air na lorg sinn aig àm ar priomh sgrùdaidh is priomh mhodh-sgrùdaidh anns an Dàmhair 2009. Tha an aithisg a' gabhail a-steach measadh corporra air a' Cho-Bhòrd is an fhorsa ach chan eil san mheasadh dèanadais ach am forsa.

Bu toigh leinn taing a thoirt airson a' cho-obrachaidd is na taice a fhuair an sgioba on Chomhairliche Tormod M MacLeòid, Cathraiche Co-bhòrd Poileas a' Chinn a Tuath; am Priomh Chonstabal Ian Latimer, Poileas a' Chinn a Tuath; Sgiob-Gniomha Comhairleachadh Poileas a' Chinn a Tuath; am Priomh Sgrùdaiche Iain MacGilleBhris, Ceannard air Aonad Poileasaidh || Co-Òrdachaidh, Poileas a' Chinn a Tuath; Michelle Morris, Clèireach a' Bhùird; agus gach ball taghte is ball dhen luchd-obrach eile a ghabh páirt ann. Tha sinn taingeil do luchd-ionaid nan ceithir comhairle is com-pàrtichean coimhersnachd an fhorsa cuideachd a dh'aontaich ri páirt a ghabhail san sgrùdadadh is sa mhodh-sgrùdadadh.

Na rianan trì-pàirteach is an dreuchd ceannardais aig ùghdarrasan a' phoileis

Tha am forsa fo smachd rian trì-phàirteach eadar am prìomh chonstabhal, co-bhòrd a' phoileis ('am bòrd') agus Ministearan na h-Alba. A chionn 's gu bheil barrachd air aon sgìre de dh'ùghdarris ionadail aig an fhorsa, chaidh co-bhòrd a' phoileis a stèidheachadh air a bheil buill às na ceithir ùghdarrasan ionadail ann mar ùghdarrais a' phoileis. Tha uallach aig Ministearan na h-Alba san fharsaingeachd fhathast airson poileasaidh a' phoileis aig an ire nàiseanta. Tha uallach air Co-Bhòrd Poileas a' Chinn a Tuath airson suidheachadh buidseat a' phoileis, dèanamh cinnteach gu bheilear a' coileanadh deagh luach is cunnthalachd a' phriomh chonstabail. Tha uallach air a' phriomh chonstabhal airson cùisean obrachadh a' phoileasachaidh taobh a-staigh sgìre an fhorsa.

'S e buaidh an t-suidheachaidh seo gu bheil aig a' bhòrd is aig a' phriomh chonstabhal obair còmhla ri chèile airson deagh luach ged a tha dreuchdan eadar-dhealaichte aca. Chan eil sinn a' toirt breith san aithisg seo ach air a' bhòrd is an fhorsa ach tha uallach aig gach pàrtaidh san t-suidheachadh seo, a' gabhail a-steach Ministearan na h-Alba, airson dèanadas seirbheis a' phoileis san fharsaingeachd.

Tha uallach air na h-ùghdarrasan na bhroinn airson buill a' cho-bhùird a chur nan dreuchd agus airson maoineachadh. 'S e bith laghail fa leth a tha anns a' bhòrd agus, ged nach eil uallaichean iarmadach fa leth aig na comhairlean (a bharrachd air cur an dreuchd nam ball is maoineachadh), tha na comhairlean a' cur taic ri èifeachdas a' bhùird tro sholar de sheirbheisean clèireachd agus trèanadh is taic airson a bhallrachd.

Tha an treòrachadh làithreach air poileasachadh (*Circular 11/2003 and Guidance to Members, June 2007*) a' mineachadh na tha dùil ris on bhòrd. Gheibhear iad seo ann an Leasachan 1 na h-aithisge seo.

Gearr-chunntas

Tha iomadh priomh eileamaid de dheagh luach air a chruthachadh le Poileas a' Chinn a Tuath is Co-Bhòrd Poileas a' Chinn a Tuath. Tha dàimh obrach làidir eadar seann oifigearan a' phoileis, manaidsearan na comhairle is buill a' bhùird. Tha buill a' bhùird a' cur taic ri dèanamh cinnteach gu bheil priomhachasan a' phoileasachaidh a' freagairt ri feum an cuid choimhearsnachdan. Libhrig am forsa seirbheis poileasachaidh èifeachdach fad iomadh bliadhna, le eucoir bheag is rèitichean fuasglaidh àrda.

Tha cuid de rudan feumach air leasachadh fhathast agus chunnacas gu bheil na buill is na h-oifigearan gu dìleas ri sior leasachadh. Ghabh am bòrd ri iomairt as dèidh measadh orra fhèin o chionn ghoirid gus a dhreuchd a neartachadh, ged nach deach buaidh nan iomairt seo a shealltainn gu ruige seo. Rinn Poileas a' Chinn a Tuath ath-sgrùdadadh mòr air an fhorsa agus mar thoradh airson seo, chuir iad structar eile air na seirbheisean le isleachadh mòr nan cosgaisean taice is àrdachadh nan goireasan airson poileasachadh-aghaidh.

Co-Bhòrd Poileas a' Chinn a Tuath

Tha buill a' bhùird a' cumail sùil èifeachdach air Poileas a' Chinn a Tuath, ga chuideachadh na phriomhachasan ro-innleachdail agus an sàs gu mòr le Com-Pàirteachasan Planadh na Coimhearsnachd (CPC) a tha ag obair còmhla ris an fhorsa. Chan eil buill a' bhùird ro-ghniomach nuair a chuireas iad romhpa na dh'fheumas iad de dh'fhiorsachadh marasglaidh ach tha deagh thugse aca air cudromachd de sgrùdaidhean air dèanadas a' phoileis. Tha fios aig a' bhòrd dè na rudan a tha feumach air leasachadh is tha iad air grunn atharrachaidhean a chur an sàs mu thràth, a' gabhail a-steach tuairisgeulan obrach airson buill agus craoladh-lìn coinneamhan a' bhùird.

1. Tha buill a' bhùird an sàs suidheachadh priomhachasan ro-innleachdail an fhorsa. Nì am priomh chonstabal agus an luchd-obrach aige mion-leasachadh planadh ro-innleachdail Poileas a' Chinn a Tuath, a-rèir an tuigse air priomhachasan poileasachaidh nàiseanta is ionadail. Ge-tà, tha dreuchd aig buill a' bhùird sa phròiseas seo thar aonta foirmeil nam planaichean seo. Tha buaidh aig na buill thaghte air planaichean ro-innleachdail an fhorsa tro na co-labhairtean ro-innleachdail bliadhnaile is coinneamhan cunbalach de dh'iomadh buidheann-obrach.
2. Tha deagh dhàimh eadar am bòrd is com-pàirtichean planadh na coimhearsnachd. Chan eil na dòighean air am faigh na ceithir comhairlean ann aithrisean air obair a' bhùird gu tur cunbalach. Ge-tà, tha dreuchd ro-ghniomhach aig gach aon dhe na comhairlean ann am buidseat a' phoileis agus ann an èifeachdas seirbheisean ionadail a' phoileis. Tha buill a' bhùird a' gabhail pàirt anns gach aon dhe na ceithir com-pàirteachasan tèarainteachd na coimhearsnachd agus gheibh iad aithisgean cunbalach air stèidheachadh Còrdaidhean Aon-Amasach (CAA) agus, a-mach on t-Samhain 2009, air adhartas an fhorsa a dh'ionnsaigh nan targaidean a tha iomchaidh do phoileasachadh.
3. Tha deagh thugse aig na buill air an sgrùdadadh. Tha deagh dhàimh obrach eadar am bòrd is am forsa 's tha na buill a' tairgsinn dùblain neo-eisimeileach. Chan eil buill a' bhùird ro-ghniomhach nuair a chuireas iad romhpa na dh'fheumas iad de dh'fhiorsachadh marasglaidh o na h-oifigearan. Gu h-àraig, chan eil sgòp nan aithisgean dèanadas a gheibh am bòrd a' toirt cothrom dha measadh iomlan a dhèanamh air adhartas an fhorsa a thaobh a chuid targaidean ro-innleachdail. Ge-tà, tha eileamaidean sgrùdaidh cudromach an sàs mu thràth. Cumaidh na buill sùil air adhartas an fhorsa ann an dèiligeadh ri molaidhean an sgrùdaidh 's a' mhodh-sgrùdaidh on taobh a-muigh agus gheibh gach ball a' bhùird aithisgean a' bhuidseit is iomadh aithisg marasglaidh air dèanadas.

4. Sheall am bòrd gu bheil iad glè mhothachail orra fhèin agus gu bheil ùidh aca ann an leasachadh a dhòigh-obrach san fharsaingeachd. Rinn e measadh EFQM air fhèin rè 2009 is lorg e grunn rudan a tha feumach air leasachadh. Thathar a' dèligeadh ri iomadh fear dhiubh le, mar eisimpleir, tuairisgeulan obrach airson nam ball, craoladh-lìn coinneamhan a' bhùird agus molaidhean airson taic rianachd shealach airson cuideachadh a' bhùird le bhith a' fàs nas comasaiche air dùblain is sgrùdaidhean neo-eisimeileach a thoirt seachad.

Poileas a' Chinn a Tuath

Tha deagh dhàimh obrach le Co-Bhòrd Poileas a' Chinn a Tuath aig Poileas a Tuath 's bidh iad ag obair taobh ri taobh ris a' phrìomh chonstabal air planadh na coimhairsnachd is a' stiùireadh leasachadh. Tha am forsa a' dèanamh glè mhath 's a' sior aithris air eucoir bheag is rètichean fuasglaidh àrda air feadh a sgìre. Tha priomh dhreuchd aig sgioba-gniomha an fhorsa ann an toirt dùblan do dhèanadas is brosnachadh leasachaidhean. B' urrainn dhan fhorsa barrachd a dhèanamh gus cuideachadh a thoirt dhan bhòrd na uallaichean sgrùdaidh air dèanadas le bhith a' toirt piseach air càileachd an dàta dèanadais a bheir e dha. Tha plana poileasachadh an fhorsa a' stiùireadh gniomhachd a' phoileis ach a chionn 's nach deach amalachadh le priomh innleachd ro-innleachdail, cha dèanar marasgladh no aithrisean gu eagarrach air na priomhachasan gniomhachd a thagh am forsa. Tha structar corporra soilleir aig an fhorsa a bhios ag obair gu math mar is trice ach tha dòigh-obrach neo-fhoirmeil a' lagachadh dàimh com-pàirteachais an fhorsa ann an cuid dhe na sgìrean iomallach. Chaidh am forsa ath-structaradh gu mòr, a' cur am meud libhrigeadh seirbhisean poileasachaidh-aghaidh, 's ath-sgrùdadhbh air a dhèanamh air an fhorsa o chionn ghoirid.

5. Tha stiùireadh ro-innleachdail soilleir aig Poileas a' Chinn a Tuath, stèidhichte air tuigse feum nan coimhairsnachdan ionadail. Tha dòigh-dhèiligidh iomlan is structarach aige a thaobh comhairleachaidh leis a' choimhairsnachd 's bidh buaidh aige seo air leasachadh an fhorsa is planaichean na roinne. Tha an gainnead de dh'amalachadh eadar priomhachasan plana a' phoileasachadh is ro-innleachd smachd a' phoileis a' cur cron air pròiseasan planaidh an fhorsa. Leis a' ghainnead de dh'amalachadh seo, tha e na dhùblan seata soilleir de phrìomhachasan co-cheangailte a chomharradh no ath-sgrùdadhbh a dhèanamh air gnìomhan na roinne-feachd no an fhorsa 's a bhuaidh aca.
6. Chaidh structar ùr a chur an sàs is trì roinnean-feachd aig an fhorsa a-nis anns a bheil ochd uachdranachdan gu h-iomlan is tha iad cha mhòr co-ionnan le sgìrean stiùridh Comhairle na Gàidhealtachd is nan Eilean. Tha ìre bhrosnachail de chumhachdachadh anns na roinnean-feachd is uachdranachdan sgìre 's bheir seo cothrom do gach aon dhiubh beachdachadh air feum ionadail nan sgìrean is priomhachasan a chur air. Tha sgioba-gniomha an fhorsa a' toirt seachad ceannardas làidir, soilleir agus tha dòigh-obrach chorporra ann airson cùisean a bhuineas dhan fhorsa air fad is le os-sealladh math is e a' toirt dùblan do ghniomhan poileasachaidh. Ni am forsa aithrisean dhan bhòrd aig an àm seo air adhartas a thaobh molaidhean a rinn buidhnean-sgrùdaidh on taobh a-muigh. Gu eachdraidheil, cha robh cothrom aig a' bhòrd gach moladh a rinn buidheann-sgrùdaidh on taobh a-muigh fhaicinn is mar thoradh air sin, cha b' urrainn dhan bhòrd sgrùdadhbh iomlan a dhèanamh air co-dhùnaidhean an fhorsa mu thoirt gu buil nam molaidhean seo neo am priomhachas a fhuair iad. Leasaich Poileas a' Chinn a Tuath ro-innleachd leasaichte air stiùireadh chunnartan o chionn ghoirid is tha an dòigh-dhèiligidh ùr nas iomlaine a thaobh cunnartan na buidhne, mineachadh nan cunnartan a chaidh priomhachas a chur orra 's na thathar a' dèanamh gus na cunnartan seo a lasachadh.

7. Tha am forsa ag obair còmhla ris a chuid com-pàrtichean gu math 's tha e follaiseach gu bheil dealas dian aige do phlanadh na coimhairsnachd is libhrigeadh bhuilean ionadail. Tha deagh dhàimh ann eadar buill a' bhùird, na cinn sgìre is cinn nan roinnean-feachd. Gabhaidh a' choimhairsnachd pàirt is tachraidih comhairleachadh air dòigh structarach is thathar ga chleachdadh ann an dealbadh priomhachasan an fhorsa. Ged a tha treòrachadh soilleir aig an fhorsa a thaobh dreuchdan is dleastanasan ann an com-pàrtieachasan le buidhnean eile, chunnacas nach robh e soilleir gu leòr do chuid dhe na com-pàrtichean taobh a-muigh priomh oifisean na roinne dè na dreuchdan a tha aca.
8. Sheall Poileas a' Chinn a Tuath gu bheil e dealas do leasachadh nan seirbheisean is tha e ri iomadh gnìomh leasachaiddh air feadh an fhorsa. Tha an gnìomh seo air a bhonntachadh, chaiddh priomhachasan a thaghadh is tha e air a stiùireadh le os-phlana leasachadh corporra. Chan eil stiùireadh an dèanadais a' cur priomhachas an-dràsta fhèin air cuid dhen fiosrachadh dèanadais a tha co-cheangailte ri priomhachasan mòran an fhorsa agus tha am mion-fiosrachadh gann ann an aithisgean gnìomhachd is dèanadais airson a' phobaill is a' bhùird.
9. Rinn Poileas a' Chinn a Tuath ath-sgrùdadh air structaran is priomh phròiseasan a' bhuidhinn an cois a' phròiseis phlanaidh ro-innleachdail gus dèanamh cinnteach gun urrainn dha èirigh ri iarrtasan san àm ri teachd. Thàinig 20 moladh ro-innleachdail à ath-sgrùdadh an fhorsa seo agus, a-mach on Giblean 2007, chaiddh structar ùr a chur air an fhorsa na chois is chaiddh goireasan a għluasad o luchd-obrach taice gu oifigearan-agħaidh a' phoileis. Tha Poileas a' Chinn a Tuath ag ath-sgrùdadh buileachadh ath-sgrùdadh an fhorsa gus fiosrachadh a-mach an d' fhuaradh gach buannachd ghnothachail ris a bha dùil agus gus buannachdan ghnothachail is caomhnaidhean ēifeachdais eile a chomharradh a għabhas an toirt gu buil.
10. Tha deagh smachd ionmhasail aig an fhorsa 's tha deagh eachdraidh aige ann am buileachadh de targaidean caomhnadh ēifeachdais. Ged nach eil ro-innleachd ionmhasail ro-innleachdail aige, 's ann airson na h-ùine fhada a tha iad a' coimhead air seasmhachd ionmhasail. Chaidd structar ùr a chur air libhrigeadh seirbheisean a' phoileis an cois ath-sgrùdadh mòr air an fhorsa 's fhuaradh caomhnaidhean ēifeachdais neo-shuarach às. Tha am forsa a' dèiligeadh ri stiùireadh ro-innleachdail goireasan luchd-obrach ach cha robh e ro choltach gun deach pròiseas roinneach na h-obrach a chleachdadh gu cunbhalach gus goireasan a għluasad thairis air criochan nan comhairlean gus dèiligeadh ri dùblain ionadail a' phoileasachaidh.
11. Thathar a' toirt aire gu leòr do chùisean co-ionnanachd a għnàth ann an sgìrean Poileas a' Chinn a Tuath air tir-mòr ach chan eil seo air a thoirt gu buil cho math ann an sgìrean ûghdarrais nan eilean.
12. Tha am forsa a' leasachadh dòigh-dhèiligidh nas iomlaine a thaobh seasmhachd. Chum e comhairleachadh mu bhuaidh nan atharrachaidhean air dreuchdan poileis ann an sgìrean iomallach a chaidd a mholadh. Ged a thoisich cuid dhen obair, chan eil dòigh-obrach aig an fhorsa a' dhèligeas ris a h-uile cuspair seasmhachd.
13. Tha plana poileasachaidh an fhorsa a' cur priomhachas air amasan is tha e mothachail an dà chuid do chudromachd adhbharan nàiseanta agus obair a' phoileis sa choimhairsnachd air feadh na

Gàidhealtachd 's nan Eilean. Tha ìre de leantaileachd ann am priomhachasan na buidhne a chaidh a chomharradh sa phlana 's na dearbh phriomhachasan sa phlana fad iomadh bliadhna. Cha tug am forsa dàta dhan SPPF air riarachadh a' phobaill is ùine nam freagairt-èiginn a tha nam prìomh chuspairean is tha e doirbh mar sin coimeas a dhèanamh ri forsaichean eile a' phoileis ann an Alba. Chaidh aig an fhorsa air àireamhan de dh'eucoirean a chaidh a chlàrachadh isleachadh is tha na rèitichean fuasglaidh math fhathast.

14. Tha eucoir bheag is rèitichean fuasglaidh àrda aig Poileas a' Chinn a Tuath an coimeas ri forsaichean eile a' phoileis ann an Alba. Ged a tha cruinn-eòlas tireil an fhorsa na bhuanachd dha 's rèitichean fuasglaidh nas àirde ann seach na bailtean mòra a ghnàth, tha e na dhùbhlann dhan phoileas air an làimh eile ach tha am forsa a' freagairt orra gu math.

Am measadh corporra

An lèirsinn is an stiùireadh ro-innleachdail

Co-Bhòrd Poileas a' Chinn a Tuath

Tha buill a' bhùird a' gabhail pàirt ann an leasachadh lèirsinn is priomhachasan ro-innleachdail de sheirbheisean ionadail a' phoileis.

15. Nì am priomh chonstabal agus an luchd-obrach aige mion-leasachadh planadh ro-innleachdail an fhorsa, a-rèir an tuigse air priomhachasan poileasachaidh nàiseanta is ionadail. Tha dreuchd aig buill a' bhùird sa phròiseas seo thar aonta foirmeil nam planaichean seo. 'S urrainn dha na buill thaghte an cuid tuigse air feum nan coimhairsnachdan ionadail a chur an cèill is dèanamh cinnteach gu bheil buaidh aca air planaichean ro-innleachdail an fhorsa tron cho-labhairt ro-innleachdail bhliadhnaill is coinneamhan cunbalach a' Bhuidhinn-Obrach air Poileasaidh is Ionmhas. Tha buaidh an tuigse air obair a' phoileis sa choimhairsnachd is cudromachd na seirbheis ann an sgìrean tireil is iomallach ri fhaicinn anns na planaichean ro-innleachdail.

Poileas a' Chinn a Tuath

Tha stiùireadh ro-innleachdail soilleir aig Poileas a' Chinn a Tuath, stèidhichte air tuigse feum nan coimhairsnachdan ionadail. Tha dòigh-dhèiligidh iomlan is structarach aige a thaobh comhairleachaidh leis a' choimhairsnachd 's bidh buaidh aige seo air leasachadh an fhorsa is planaichean na roinne. Tha an gainnead de dh'amalachadh eadar priomhachasan plana a' phoileasachadh is ro-innleachd smachd a' phoileis a' cur cron air pròiseasan planaидh an fhorsa. Leis a' ghainnead de dh'amalachadh seo, tha e na dhùbhlann seata soilleir de phriomhachasan co-cheangailte a chomharradh no ath-sgrùdadh a dhèanamh air gniomhan na roinne-feachd no an fhorsa 's a bhuaidh aca.

16. Cumaidh am forsa co-chomhairleachaidhean farsaing is tha e a' toirt cothrom do Cho-Bhòrd Poileas a' Chinn a Tuath pàirt a ghabhail ann an stiùireadh ro-innleachd an fhorsa. Tha Plana Ro-Innleachdail an Fhorsa a' cur an cèill priomhachasan obrachaiddh an fhorsa airson ùine de chòig bliadhna chuariteach leis na priomhachasan obrachaiddh a' sileadh a-nuas tro Phlana Poileasachadh an Fhorsa airson an toirt gu buil. Tha am plana ro-innleachdail stèidhichte air làithean planaïdh ionadail far am faighear riochdachadh farsaing o chom-pàirtichean, coimhairsnachdan ionadail is buill bòrd a' phoileis. Thèid am fiosrachadh cruinnichte a chleachdad air latha planadh an fhorsa far an coinnich na cinn roinnej is manaidsearan aonad sheirbheisean na priomh ofise. Thèid toraidhean latha planadh an fhorsa a chleachdad air uairsin aig a' cho-labhairt ro-innleachdail far an tig luchd-ùidhe on taobh a-muigh is a-staigh cruinn.
17. Tha Poileas a' Chinn a Tuath a' sgaoileadh stiùireadh ro-innleachdail agus fòcas coimhairsnachd an fhorsa gu èifeachdach tro phlanaichean poileasachadh an fhorsa is nan roinnean. Chunnacas gun robh an luchd-obrach gu math mothachail air amasan a' phlana phoileasachaidh 's gun robh iad ag obair orra. Tha na planaichean poileasachaidh ionadail 's na h-amasan ro-innleachdail ri fhaighinn air làrach-lìn an fhorsa, ri làimh a' phobaill is furasta ri sheòladh.

18. Tha priomhachas làidir aig Poileas a' Chinn a Tuath air obair a' phoileis sa choimhearsnachd is tha seo na chuideachadh dha gus feum nan coimhearsnachdan aige a thughsinn. Tha oifigearan is stèiseanan aige 's cuid dhiubh ann an àitichean glè iomallach. Feumaidh na h-oifigearan uile imrich a dhèanamh ann rè an seirbheise sna coimhearsnachdan no eileanan iomallach seo 's iad follaiseach ann mar oifigearan a' phoileis taobh a-muigh is a-staigh an amannan obrach. 'S ciall dhan phoileasaidh tar-aisig seo gun gabh na h-oifigearan is an teaghlaichean còmhnaidh far an dèan iad obair a' phoileis is iad a' gabhail pàirt ann am beatha na coimhearsnachd.
19. Chomharrach am forsa, ann an com-pàrteachas leis a' bhòrd, còig priomhachasan ro-innleachdail is amasan taiceil airson na h-ùine 2009-2010 ([Clàr 1](#)). Chaith na priomhachasan seo a chomharradh a-rèir nan ceithir Còrdaidhean Aona-Amasach. Cha deach priomhachasan plana a' phoileasachaidh amalachadh gu tur le ro-innleachd smachdachadh an obrachaiddh 's ged a tha cuid dhe na h-eileamaidean a' lùbadh thairis air a chèile, chan eil ceangal dìreach ann ri priomhachasan na ro-innleachd smachdachaidh. 'S e plana a' phoileasachaidh priomh bhrosnaichear gnothachais is leis a' ghainnead seo de dh'amalachadh, tha e na dhùbhlann seata soilleir de phriomhachasan a chomharradh is sùil a cumail orra agus ath-sgrùdadh a dhèanam air gnìomhachd is buaidh de roinn.

Clàr 1

Priomhachasan is amasan ro-innleachdail

A' brosnachadh rathaidean nas tèarainte	tro iomairtean ro-ghniomhach gus dèanamh cinnteach gu bheil a h-uile duine a' faireachdainn tèarainte is sàbhailte. Bidh sinn ro-ghniomhach nar n-obair gus ar rathaidean a dhèanamh nas tèarainte, tubaistean is bàs air rathaidean isleachadh fhad 's a nì sinn obair shoirbheachail leis na priomh chom-pàrtichean againn gus tèarainteachd nan rathad is foghlam a' phobaill a leasachadh.
Ag isleachadh eucoir	le bhith ag obair còmhla ris na com-pàrtichean ro-innleachdail againn, a' gabhail a-steach ar coimhearsnachdan, gus casg a chur air eucoir mus tachair e 's sinne a' dèiligeadh an dà chuid ri adhbharan de dh'eucoir agus ri eucoirean iad fhèin.
A' toirt ionnsaigh air droch eucoir	tro rannsachadh gach taobh de dh'eucoir, a' gabhail a-steach eucoir nan drugaichean, mar fhreagairt air feum nan iobairteach, nam fianaisean is nan eucoireach. Nì sinn obair èifeachdach is bhuadhach gus lorgadh de dh'eucoirean agus àireamh nan eucoireach a thugadh gu ceartas a chur an àirde.
A' togail coimhearsnachdan nas làidire is nas tèarainte	le bhith a' freagairt ri gach tachartas iomchaidh, ge be tubaiste mhòr air rathad a tha ann no adhbhar co-cheangailte ri giùlan mì-shòisealta. Cha ghabh sinn ri buaireadh eucoireach de ghnothachas is de chàileachd beatha nan coimhearsnachdan ionadail. Bidh sinn ag obair gus tèarainteachd gach duine a dhion 's a ghlèidheadh 's a' cur sìos air eagal, claoen-bhreith is ana-ceartas.
A' cumail an òrduigh phoblach	le bhith a' stiùireadh cunnartan buidhneil is obrachail, a' cur an sàs na fheadhainn as fhéarr de leantaileachd gnothachais is ag obair mar sheirbheis phoblach de dheagh luach is ann an suidheachadh far a bheil buaidh de thachartasan eadar-nàiseanta air sgìrean is coimhearsnachdan ionadail a' sior fhàs.

Riaghlas is cunntasalachd

Co-Bhòrd Poileas a' Chinn a Tuath

Tha deagh thugse aig buill a' bhùird air an dreuchdan; gheibh buill ùra trèanadh agus tha tuairisgeulan obrach foirmeil ann airson buill a' bhùird o chionn ghoirid. Chan eil na dòighean air am faigh na ceithir comhairlean ann aithrisean air obair a' bhùird gu tur cunbalach. Chan eil dòigh structarach aig a' bhòrd fhathast gus sùil a chumail air cunnartan 's na thathar a' dèanamh gus a lasachadh. Thèid cuairtean neo-eisimeileach a dhèanamh air na priomh ghoireasan glacais am broinn sgìre Poileas a' Chinn a Tuath 's thèid aithris a dhèanamh dhan bhòrd. Ge-tà, chan eil na cuairtean neo-eisimeileach seo a' gabhail a-steach gach goireas glacais, gu h-àraid an fheadhainn sna h-Eileanan an Iar, Arcaibh is Sealainn.

20. Tha 24 buill air a' bhòrd, le 16 comhairlichean o Chomhairle na Gàidhealtachd, ceathrar o Chomhairle nan Eilean, dithis o Chomhairle Arcaibh is dithis o Chomhairle Shealtainn. Coinnichidh e ceithir tursan am bliadhna, mar is trice ann an Inbhir Nis ach thèid coinneamhan a chumail gu cunbalach ann an ùghdarrasan nan eilean. 'S e comhairliche às na h-Eileanan an Iar a tha ann an cathraiche a' bhùird. Tha seachd fo-chomataidhean a' toirt taic ris a' bhòrd. Coinnichidh fo-chomataidhean nam modh-sgrùdadadh is nan gearan ceithir tursan am bliadhna; coinnichidh an fheadhainn eile nuair a dh'iarras am bòrd orra coinneachadh.
21. Tha taic ionmhasair, clèirich is iar-chlèirich aig a' bhòrd is iad air an solar le Comhairle na Gàidhealtachd. Tha an dreuchdan amalaichte a-steach ann an obair nan Seirbheisean Laghail aig a' chomhairle. Tha mu thuaiream còig sa cheudad de thìde a' chlèirich agus lethcheud sa cheudad de thìde an iar-chlèirich air a chomharradh airson taic a chur ri bòrd a' phoileis. Dh'aontaich am bòrd ri moladh gus dreuchd taice leis fhìn a stèidheachadh a neartaicheas a dhreuchdsa mar sgrùdaiche neo-eisimeileach.
22. Tha mì-chòrdalas san rèiteachadh riaghlas eadar am bòrd 's na ceithir comhairlean na bhroinn, is, mar eisimpleir, aonan dhiubh a' faighinn gearr chunntas a' bhùird aig làn coinneamhan na comhairle, aonan dhiubh a' cur gearr chunntasan a' bhùird ann an seòmar-suidhe nam ball is aonan eile a' faighinn fios orra o bhuill a' bhùird o àm gu àm. Ge-tà, tha bun-stèidh shìlan de cho-obrachadh eadar am bòrd is na ceithir comhairlean is, mar eisimpleir, an ceathrar chomhairlichean a' coinneachadh gus deasbad a dhèanamh air buidseat a' phoileasachaidh. Tha na comhairlean sa bheachd gur e bòrd èifeachdach a tha ann san fharsaingeachd ach tha e soilleir dhaibh nach eil dreuchd mòr acasan turas a chaith am bòrd a stèidheachadh. Tha inbhe a' bhùird mar 'bhith laghail fa leth' ag adhbharachadh teagamh uaireannan a thaobh conaltradh eadar na comhairlean na bhroinn is am bòrd.
23. Gheibh buill ùra a' bhùird trèanadh air cuspairean poileasachaidh o Phoileas a' Chinn a Tuath. Chaidh tuairisgeulan obrach a thoirt a-steach cuideachd airson buill a' bhùird o chionn ghoirid. Tha iad a' toirt seachad treòrachadh feumail air dreuchd buill a' bhùird a thaobh rudan mar obair com-pàirteachais is sgrùdaidhean. Chan fhaca sinn fianais mhòr air solar trèanaidh leantainnich airson buill a' bhùird leis an fhorsa. Ge-tà, chaidh sgrùdadadh a dhèanamh air feum trèanaidh ann an 2009 's thathar ag amas air prògram trèanaidh airson buill a chur ri chèile.

24. Tha an dòigh air a nì am bòrd co-dhùnaidhean fosgailte is soilleir. Tha coinneamhan a' bhùird poblach is tha clàir-obrach, aithisgean is gearr chunntasan furasta ri am faighinn air an làrach-lìn. Tha mu thuaiream an treas cuid de dh'aithisgean a' bhùird airson co-dhùnaidhean is dà thrian dheth airson clàradh. Chan ann air duilgheadasan ionadail a-mhàin a bhios ceistean nam ball is bidh fòcas ann air cuspairean ro-innleachdail mar is trice. Chuir am bòrd craoladh-lìn nan coinneamhan fo dheuchainn o chionn ghoirid gus am bi iad nas fosgailte is an t-inntrigeadh thuca nas phobaill.
25. Chan eil dòigh-obrach structarach aig a' bhòrd a thaobh stiùireadh chunnartan. Tha clàr chunnartan corporra air a bhith ann fad grunn bliadhna 's dh'aontaich buill a' bhùird ri ro-innleachd leasaichte airson stiùireadh chunnartan o chionn ghoirid. Ge-tà, chan eil fianais ann gun do bheachdaich buill a' bhùird air cunnartan aig ire àrd gu cunbalach 's na gniomhan a tha air a mholadh gus an lasachadh. Thèid cunnartan sònraichte, leithid seasmhachd ionmhasail, a dheasbad leis a' bhòrd ach chan eil beachdachadh structarach ann air a' chlàr chunnartan chorporra thairis air a' bhliadhna 's na thathar a' dèanamh gus an lasachadh.
26. Tha Co-Bhòrd Poileas a' Chinn a Tuath a' gabhail os làimh an dleastanasan sgrùdaidh air glacas a' phoileis tron Sgeama Chuairtean Neo-Eisimeileach air Glacas (ICVS). Tha ICVS air a bhith aig Co-Bhòrd Poileas a' Chinn a Tuath a-mach o 2000 's buill neo-eisimeileach na coimhairsnachd a' tadhail air stèiseanan poileis gun rabhadh 's a' cur sùil air cor is leas na feadhainn a tha ann an glacas a' phoileis. Thèid aithris a dhèanamh air na chunnacas rè nan cuairtean seo dhan bhòrd is amalachadh a-steach ann an Aithisg Bhliadhnaile na h-Alba air obair nan Cuairtean Neo-Eisimeileach air Glacas ann an Alba.
27. Ged a tha am bòrd a' coileanadh a dhreuchdan sgrùdaidh a thaobh nan goireasan glacais a tha aig Co-Bhòrd Poileas a' Chinn a Tuath air an tir-mhòr, cha bhi an ICVS a' tadhail air ceallan a' phoileis ann an ùghdarrasan nan eilean. Chaith an sgeama a' leudachadh gu na stèiseanan san Aghaidh Mhòr is ann an Inbhir Pheofharain, Alanais is Inbhir Nàrann ann an 2002, as dèidh toirt a-steach nan cuairtean glacais ann an Inbhir Nis ann an 2000. Dh'fhàg seo àireamh de goireasan glacais taobh a-muigh sgòp an ICVS, le faisg air 400 glacasan gan làimhseachadh gach ràithe sna h-Eileanan an Iar, Arcaibh is Sealainn. Tha duilgheadasan prataigeach aig a' bhòrd a thaobh cuairtean glacais air priosanaich a bhios gu tur neo-eisimeileach anns na coimhairsnachdan beaga seo 's tha àireamh de bhuill o ùghdarrasan ionadail a' sgrùdadhean goireasan seo mar cheallan laghaichte. Ged a tha cleachdadhean de bhuill nan ùghdarrasan ionadail san t-saothair seo na fhuasgladh pragmatach air an duilgheadas seo gus am bi na daoine seo air an làn trèanadh 's buill theisteanaichte an ICVS, bidh am bòrd so-leònte san raon seo. Feumaidh am bòrd dèanamh cinnteach gun gabh an ICVS aig Co-Bhòrd Poileas a' Chinn a Tuath a-steach gach goireas ann an sgìre an fhorsa 's gum bi cothrom ionnsachaidh mu dheagh chleachdadhean san raon seo.
28. Chan eil Co-Bhòrd Poileas a Tuath a' dèanamh cinnteach aig an àm seo gum faigh na tadhlaichean glacais aca treòrachadh iomchaidh mu mholaidhean air glacas a' phoileis o bhuidhnean-sgrùdaidh on taobh a-muigh. Rinn HMICS trì aithisgean air cuspairean co-cheangailte ri glacas san dà bhliadhna ron aithisg seo. Cha deach molaidhean nan sgrùdaidhean seo a cur air adhart leis a' bhòrd gu na

tadhlaichean glacais. Tha seo a' cur bacadh air na tadhlaichean glacais 's gan cumail o rùrachadh nan cuspairean seo 's aithris a dhèanamh dhan bhòrd mu na lorg iad.


Poileas a' Chinn a Tuath

Chaidh structar ùr a chur an sàs is trì roinnean-feachd aig an fhorsa a-nis anns a bheil ochd uachdranachdan gu h-iomlan is tha iad cha mhòr co-ionnan le sgìrean stiùiridh Comhairle na Gàidhealtachd is nan Eilean. Tha ire bhrosnachail de chumhachdachadh anns na roinnean-feachd is uachdranachdan sgire 's bheir seo cothrom do gach aon dhiubh beachdachadh air feum ionadail nan sgìrean is priomhachasan a chur air. Tha sgioba-gniomha an fhorsa a' toirt seachad ceannardas làidir, soilleir agus tha dòigh-obrach chorporra ann airson cùisean a bhuineas dhan fhorsa air fad is le os-sealladh math is e a' toirt dùbhlain do ghnìomhan poileasachaidh. Nì am forsa aithrisean dhan bhòrd aig an àm seo air adhartas a thaobh molaidhean a rinn buidhnean-sgrùdaidh on taobh a-muigh. Chan eil fiosrachadh gu leòr sna h-aithisgean seo 's chan urrainn dhan bhòrd sgrùdaidh èifeachdach a dhèanamh air co-dhùnaidhean an fhorsa air buileachadh no priomhachasad nam molaidhean seo leis na tha ann de dh'fiosrachadh. Leasaich Poileas a' Chinn a Tuath ro-innleachd leasaichte air stiùireadh chunnartan o chionn ghoirid is tha an dòigh-dhèiligidh ùr nas iomlaine a thaobh cunnartan na buidhne, mìneachadh nan cunnartan a chaidh priomhachas a chur orra 's na thathar a' dèanamh gus na cunnartan seo a lasachadh.

29. 'S e sgioba-gniomha an fhorsa a tha os cionn an fhorsa aig ire ro-innleachdail is coinnichidh e gach seachdain a stiùireadh ghnìomhan obrachaide. Tha am priomh chonstabal, am priomh iar-chonstabal is dithis priomh stiùireadair a tha sa sgioba-ghniomha, a bharrachd air ceannard nan goireasan daonna is ceannard stiùireadh an ionmhais is a' mhaoineachaidh. Tha gach ball an sgioba seo air a' Bhuidheann-Ghnìomha Chomhairleachaidh cuideachd a chumas sùil air cùisean ro-innleachdail nas fharsainge.
30. Tha trì roinnean-feachd san fhorsa. Tha seo mar thoradh air ath-sgrùdadòr mòr air an fhorsa a thoisich ann an 2006 agus chaidh na h-ochd aonadan uachranachd sgìreil a thoirt còmhla ann an trì roinnean-feachd.
 - **An Ear** (a' frithealadh coimhairsnachdan na Gàidhealtachd ann an Inbhir Nis, Bàideanach, Srath Spè is Inbhir Nàrann).
 - **Am Meadhan** (Ros ḡ Cromba, Loch Abar, an t-Eilean Sgitheanach is Loch Aillse agus na h-Eileanan an Iar).
 - **An Tuath** (Gallaibh, Cataibh, Ros an Ear, Arcaibh is Sealainn).
31. Chaidh na h-uachdranachdan sgìreil a ghlèidheadh am broinn an structair roinneil agus tha priomh sgrùdaiche os cionn gach aon dhe na h-ochd uachranachdan sgìreil. Tha uighdarrasan eilein sna h-Eileanan an Iar, Arcaibh is Sealainn co-ionnan ris na roinnean-feachd sgìreil. Tha na roinnean-feachd seo nam pàirt de roinnean nas mothà le stiùireadair os an cionn (faic Clàr 2). Tha na roinnean-feachd seo cha mhòr co-ionnan ri sgìrean stiùiridh comhairle na Gàidhealtachd 's nan Eilean agus tha iad a' solar stiùireadh ro-innleachdail is stiùireadh dha na h-uachdranachdan sgìreil. Air sgàth na dòigh phragmatach seo, gheibh na sgìrean comhairle seo buannachdan is iad co-ionnan ri criochan a' phoileis, a' glèidheadh buannachdan cosgais de roinnean-feachd nas mothà.

Clàr 2

Sgìre an fhorsa



Legend:

- North Division: Roinn-Fheachd a Tuath
Central Division: Roinn-Fheachd a' Mheadhain
East Division: Roinn-Fheachd an Ear

Tùs: HMICS is Riaghaltas na h-Alba

32. Tha am forsa a' cumail os-sealladh air gniomhan roinneil is tha dòigh-obrach chorporra aige a chum adhbharan a bhuineas ris an fhorsa air fad. Tha cruinn-eòlas trì roinnean a' phoileis agus nan uachdranachdan sgìreil anna a' toirt diofar dùblain dhaibh ach tha os-sealladh soilleir nam meadhan, maille ri marasgladh nan gniomhan is an dèanadais a-rèir plana a' phoileasachaidh. Thèid sgrùdadh a dhèanamh air dèanadas de roinn-fheachd agus air cunntasalachd nan ceannardan le ceann an obrachaidd gach mios.
33. Leasaich Poileas a' Chinn a Tuath an ro-innleachd stiùireadh chunnartan aige o chionn ghoirid ach cha robh e air a chur an sàs gu tur fhathast aig àm an sgrùdaidh. Tha an ro-innleachd leasaichte a' dèiligeadh ri cunnartan buidhneil nas iomlaine. Stèidhich am forsa clàr chunnartan corporra iomadh bliadhna air ais. Cha robh fianais mhòr ann gun deach ùrachadh gu cunbalach no gun deach lasachadh nan cunnartan a mharasgladh gu cunbalach 's tha seo a' cur nar sùil nach deach stiùireadh ro-innleachdail nan cunnartan a chur an sàs am broinn na buidhne gu tur fhathast. Chaidh ro-innleachd stiùireadh chunnartan a leasachadh o chionn ghoirid, le clàr-ama airson clàr chunnartan leasaichte ron Mhàrt 2010, le sgòp nas fharsaing a ghabhas a-steach cuspairean nas fharsaing mar sheasmhachd ionmhasail is cunnartan cliùtha agus modh-eòlas a chum marasgladh cunbalach de chunnartan le seann oifigearan.
34. Tha deagh os-sealladh aig an fhorsa air planadh na coimhearsnachd is gniomhan com-pàirteachais sa choimhearsnachd air feadh nan trì roinnean-feachd le marasgladh is sgrùdadh ghniomhan on mheadhan. Tha co-òrdanachadh ann a thaobh stiùireadh chunnartan obrachaidd. Tha am forsa a'

sealltann cothromachadh eadar fòcas air cùisean ionadail is prìomhachas do chunnartan air ìre nàiseanta.

35. Gu eachdraidheil, cha robh mion-eòlas iomlan anns na h-aithisgean a thug Poileas a' Chinn a Tuath dhan bhòrd a thaobh adhartas a rinneadh an cois nam molaidhean a rinn buidhnean sgrùdaidh on taobh a-muigh 's am molaidhean agus chuir seo bacadh air a' bhòrd ann an coileanadh iomlan uallaichean sgrùdaidh. Bidh Poileas a' Chinn a Tuath a' dèanamh aithris do bhòrd a' phoileis air adhartas a thaobh a' cuid as mothàr dhe na molaidhean a nì HMICS agus buidhnean-sgrùdaidh eile. Tha seo na ghearr chunntas feumail san fharsaingeachd, a' toirt cothrom marasglaidh air adhartas an fhorsa a thaobh buileachadh nam molaidhean dha na buill ach chan eil fiosrachadh gu leòr ann leis a bheireadh comas dhan bhòrd sgrùdadadh a dhèanamh air na thug air an fhorsa tighinn gu co-dhùnadh a thaobh prìomhachas no moladh airson leasachadh a dhiùltadh. Chan fhoghainn aithrisean air adhartas a thaobh nam molaidhean leotha fhèin leis airson làn choileanadh a' bhùird a thaobh uallaichean sgrùdaidh.
36. B' urrainn dhan fhorsa tuilleadh a dhèanamh gus piseach a chur air a chunntasalachd phoblach le bhith a' cur piseach air an fiosrachadh mu dhèanadas a gheibh am poball. Tha e furasta gu leòr dhan phoball an làrach-lìn aig www.northern.police.uk a ruigsinn is tha inntrigeadh ann dhan Aithisg Ro-Innleachdail is Bhliadhnaill air Dèanadais a' Phoileis ach fiosrachadh mu dhèanadas san fharsaingeachd cuingichte. Tha fiosrachadh air dèanadas ri fhaighinn is furasta ri leughadh is ri thuigsinn ach chan eil fiosrachadh ann air treandaichean, targaidean, coimeasan ri àireamhan cuibheasach o Alba is o fhorsaichean eile agus chan eil e a' mìneachadh carson a tha ro bheag de dhèanadas aig cuid agus mar a tha dùil a leasachadh.

Obair ann an com-pàirteachas is dol an sàs na coimhairsnachd

Co-Bhòrd Poileas a' Chinn a Tuath

Tha buill a' bhùird a' tuigsinn feum an cuid coimhairsnachdan a thaobh obair poileis. Tha iad cuideachd an sàs gniomhan planadh coimhairsnachd anns gach aon dhe na sgìrean comhairle. Thathar a' leasachadh an sgrùdadadh air gniomhan planadh coimhairsnachd an fhorsa. Rinn na buill marasglaidh air toirt a-steach nan Còrdaidhean Aon-Amasach agus an t-adhartas a rinneadh a thaobh iomadh amas a tha co-cheangailte ri obair a' phoileis.

37. Tha deagh thugse aig buill a' bhùird air na cuspairean poileasachadh a' toirt buaidh air an cuid coimhairsnachdan. Gheibh iad aithrisean air toraidhean de shuirbhidhean a nì am poileas, rud a leasaicheas an tuigse choitcheann a fhuair iad tro an dreuchdan mar bhuill thaghte.
38. Tha fianais shoilleir ann gu bheil com-pàirteachas èifeachdach eadar am bòrd is na com-pàirtichean planadh na coimhairsnachd aige. Tha buill a' bhùird an sàs gach aon dhe na com-pàirteachasan tèarainteachd coimhairsnachd a tha aig Poileas a' Chinn a Tuath. Cha robh riochdachadh aig a' bhòrd aig com-pàirteachas tèarainteachd na coimhairsnachd ann an Arcaibh sna beagan mìosan a dh'fhalbh ach thathar a' rèiteachadh na cùise.

39. Thatar a' leasachadh an sgrùdadh air gnìomh planadh coimhearsnachd an fhorsa. Fhuair am bòrd aithrisean cunbalach air toirt a-steach nan Còrdaidhean Aon-Amasach anns gach aon dhe na ceithir sgìrean comhairle rè 2008/09. Bha aithisg chruinn mu na Còrdaidhean Aon-Amasach ann as dèidh sinn san t-Samhain 2009 's thug seo mion-fhiosrachadh marasglaidh dha na buill is b' urrainn dhaibh measadh a dhèanamh leis air an adhartas a rinn am forsa air an t-slige a dh'ionnsaigh amasan nan CAA a thaobh poileasachaidh.

Poileas a' Chinn a Tuath

Tha am forsa ag obair còmhla ris a chuid com-pàirtichean gu math 's tha e follaiseach gu bheil dealas dian aige do phlanadh na coimhearsnachd is libhrigeadh bhulean ionadail. Tha deagh dhàimh ann eadar buill a' bhùird, na cinn sgìre is cinn nan roinnean-feachd. Chan eil aithrisean ann air feadh an fhorsa air an adhartas a dh'ionnsaigh amasan nan CAA. Gabhaidh a' choimhearsnachd pàirt is tachraids comhairleachadh air dòigh structarach is thatar ga chleachdadh ann an dealbhadh priomhachasan an fhorsa. Ged a tha treòrachadh soilleir aig an fhorsa a thaobh dreuchdan is dleastanasan ann an com-pàirteachasan le buidhnean eile, chunnacas nach robh e soilleir gu leòr do chuid dhe na com-pàrtichean taobh a-muigh priomh oifisean na roinne dè na dreuchdan a tha aca.

40. Thèidear an sàs na coimhearsnachd agus thèid co-chomhairleachadh a dhèanamh air dòigh structarach fo dheagh stiùireadh thairis air trì ceuman. Bidh oifigear a' phoileis an làthair aig gach comhairle coimhearsnachd is fòram de roinn-taghaidh am broinn sgìre an fhorsa. Thèid ceannardan na roinne-feachd is na sgìre an sàs priomh luchd-ùidhe, com-pàrtichean is buill thaghte agus gheibhearn inntrigeadh thuca. Bidh ceangal eadar am priomh chonstabal is sgioba-gníomha an fhorsa aig ire nam priomh oifigearan. Bheir seo cothrom do bhuidhnean na coimhearsnachd is buill thaghte ionradh a dhèanamh air cùisean a tha a' cur dragh orra no anns a bheil ùidh agus beachdan fhaighinn mu an dèidhinn. Fhuaradh deagh bheachdan air a' phròiseas o na com-pàrtichean is na buill thaghte a chaidh agallamh a dhèanamh leotha. Tha am pròiseas co-chomhairleachaidh structarach a' toirt cothrom do dhuine cuspairean eadar feadhainn ionadail is ro-innleachdail a thogail agus dèligeadh riutha.
41. Chaidh Poileas a' Chinn a Tuath an sàs gach aon dhe na ceithir CPC aige gu soirbheachail gus Còrdaidhean Aon-Amasach a stèidheachadh. Ged a bha deagh thugse mu shoirbheas no neo-shoirbheas a' CAA aige fhèin aig gach CPC, cha tug am forsa fianais dhan bhòrd air adhartas nan CAA uile gu lèir. Cuiridh am priomh chonstabal ainm ri gach CAA 's bheir na ceannardan sgìre anns gach ùghdarris eilein aithris air ais dhan CPC a h-uile ceithir mìosan. Tha am forsa a' sealltainn tuigse nan dreuchdan a tha aig na CAA ann am brosnachadh gniomhan a' phoileis ach a dh'aindeoin sin, tha marasgladh is aithrisean air toraidhean nan CAA fo leasachadh fhathast. Thug am forsa a-steach os-aithisg o chionn ghoirid a tha na ghearr chunntas air adhartas a dh'ionnsaigh nan targaidean am broinn nan ceithir CAA.
42. Tha dealas làidir air an fhorsa do phlanadh na coimhearsnachd. Dh'amalaich e gniomhan planadh na coimhearsnachd anns na trì roinnean-feachd. Tha na ceannardan sgìreil nam buill ghnìomhach air Com-pàirteachas Tèarainteachd na Coimhearsnachd. Coinnichidh na ceannardan sgìreil is roinn-fheachdail le buill ionadail a' bhùird agus bheir iad sùil dhomainn air cùisean ionadail.

43. Tha earbsa aig com-pàirtichean planadh na coimhearsnachd aig an fhorsa anns na ceithir com-pàirteachasan gu bheil Poileas a' Chinn a Tuath làn dealas do phlanadh na coimhearsnachd. Tha dàimh riaghachais is cunntasalachd làdir eadar ceannardan nan roinnean-feachd is na ceannardan sgìreil agus an cuid CPC ionadail. Tha os-sealladh corporra a thaobh gnìomhan com-pàirteachais aig an fhorsa. 'S e am forsa a tha an urra ri co-òrdanachadh on mheadhan agus ri marasgladh gnìomhan com-pàirteachais agus thèid duilgheadasan no deagh chleachdaidhean a chomharradh leis. Tha am poileas a' gabhail pàirt air feadh com-pàirteachasan planadh na coimhearsnachd agus chunnacas fianais air seann dàimh stèidhichte leis na com-pàirteachasan.
44. Tha com-pàirteachas ann am planadh gnothaich obrachail tro roinneadh obrach is coinneamhan co-òrdanachaideach caochlaideach taobh a-muigh structar nan CPC. Tha rùn foillsichte ann sna h-Eileanan an lar gus coinneamh com-pàirteachais a chumail a h-uile dà mhìos gus obair a roinneadh is co-òrdanachadh ach cha do thachair sin fhathast. Gu eachdraidheil, chaidh co-choinneamh airson roinneadh obrach a chumail ann an Arcaibh far an tainig na com-pàrtichean cruinn. Chan eil seo a' tachairt tuilleadh is air sgàth gainnead conaltraidh, chan eil fios aig na com-pàrtichean an deach co-dhùnad a dhèanamh leis an fhorsa gun sguireadh dheth no gun cuireadh dàil air.
45. A dh'aindeoin an treòrachaideh shoilleir air dreuchdan is uallaichean ann an obair com-pàirteachais a rinn am forsa, tha an dàimh leis na com-pàrtichean air fàs neo-fhoirmeil ann an cuid dhe na raointeán, rud a dh'adhbharaich mì-shoilleireachd a thaobh dreuchd a' chom-pàrtiche. Bhathar a' roinneadh fiosrachadh, a' dol an sàs a chèile is ag obair gu èifeachdach an dà chuid aig ire ro-innleachdail is roinneil na priomh ofise. Cha robh sin cho cunbalach aig an ire uachdranachd. Bha dàimh nan com-pàirteachasan air a dheagh chothromachadh ann an dà sgìrean comhairle ach chunnacas com-pàirteachas fulangach ann an dà chomhairle eilein far an do ghabh na com-pàirteachasan na chaidh a thoirt dhaibh. Cha robh iad mothachail dhan t-seòrsa de dh'fiosrachadh, dàta is staitistearachd a bha ri am faighinn dhaibh.

Stiùireadh is leasachadh dèanadais

Co-Bhòrd Poileas a' Chinn a Tuath

Tha deagh thugse aig buill a' bhùird air cudromachd an sgrùdaidh air dèanadas a' phoileis. Gheibh iad taghadh farsaing de dh'fiosrachadh air gnìomhan a' phoileis, irean dèanadais is adhartas ann am buileachadh nam molaidhean o sgrùdaidhean is o mhodh-sgrùdaidhean on taobh a-muigh. Bidh na buill a' gabhail pàirt ann an sreach de bhuidhnean-obrach cuideachd 's iad a' toirt dùbhlan neo-eisimeileach do chuspairean sònraichte mar co-ionnanachd is ath-sgrùdadh an fhorsa. Ge-tà, chan eil buill a' bhùird a' cur romhpa gu ro-ghníomhach dè am fiosrachadh marasglaidh a dh'fheumas iad gus sgrùdad a dhèanamh air adhartas an fhorsa ann an coileanadh nan amasan ro-innleachdail aige agus gus an uallaichean sgrùdaidh a choileanadh. Cuideachd, bidh am bòrd a' toirt gèill dhan fhorsa ann an comharradh nan rudan a tha feumach air ath-sgrùdadh is leasachadh. Tha sgòp ann cuideachd airson gearr chunntas air gnìomhan a' bhùird thairis air a' bhliadhna am broinn na h-aithisg phoblach bhliadhnailean air dèanadas.

46. Bidh am priomh chonstabal a' solar aithisg ràitheil air cor na h-eucorach aig gach coinneamh a' bhùird. Tha seo na ghearr chunntas air tachartasan is gnìomhan a' phoileis, an dà chuid aig ire an fhorsa 's nan uachdranachdan ionadail is tha buill a' bhùird a' coimhead air mar aithisg fheumail. Tha an aithisg a' leantainn nan còig cuspair an ro-innleachdail aig an fhorsa ach chan eil e a' toirt dealbh

iomlan air an adhartas. Mar eisimpleir, tha mion-fiosrachadh ann air cuid dhe na h-amasan, can leònadh is bàs ann an tubaistean rathaid is daoine ag òl 's a' draibheadh. Ach cha bhithear a' solar fiosrachadh air amasan eile, can greimeachadh draibhearan ro luath, neo-chleachdadh de chriosan-tèarainteachd agus cleachdadh mi-laghail de dh'fhònaichean-làimhe fhad rè draibhidh.

47. Gheibh buill a' bhùird aithisgean mìosail an fhorsa air dèanadas cuideachd. Tha am fiosrachadh staitisteil ann air gniomhan is dèanadas a' phoileis fada nas mionaidiche. Ge-tà, chan eil na h-aithisgean seo a' leantainn ris na còig cuspairean ro-innleachdail aig an fhorsa. Tha fiosrachadh marasglaidh ann an cuid dhiubh air na targaidean ro-innleachdail is tha iad a' dèanamh aithris air cùisean dèanadas eile cuideachd nach eil ro-innleachdail. A bharrachd air sin, thèid na mion-aithisgean air dèanadas a chur air beulaibh dhaoine air latha coinneamh a' bhùird is cha bhi cus tìde aig na buill na prìomh phuingean a thoirt a-steach. Gheibh na buill mòran fiosrachaiddh ach chan urrainn dhaibh adhartas an fhorsa a dh'ionnsaigh nan targaidean ro-innleachdail a mharasgladh gu èasgaidh.
48. Bidh am bòrd ag ath-sgrùdadadh aithisg phoblach bhliadhnaile Poileas a' Chinn a Tuath air dèanadas. 'S e sgrìobhainn so-inntrigichte a tha ann 's tha torr fiosrachaiddh na bhroinn is cuid dheth air a chur air dòigh a-rèir prìomh chuspairean a' phlana ro-innleachdail. Ge-tà, tha beàrnan anns ann fiosrachadh a gheibhear, mar a thachras leis a' chuid as mothà dhe na h-aithisgean mìosail air dèanadas. Air sgàth sin, chan eil e a' toirt measadh soilleir dhan leughadair air adhartas Poileas a' Chinn a Tuath a dh'ionnsaigh gach priomh amas a tha na phlana ro-innleachdail. Tha an aithisg a' gabhail a-steach os-sealladh on chathraiche ach chan eil gearr chunntas sam bith ann air gniomhan a' bhùird no a bhuaidh.
49. Bidh deagh dheasbadan 's ceistean ri an cluinniann aig coinneamhan a' bhùird. Ged a bhios a' chuid as mothà de phàipearan a' bhùird a' clàradh, 's chan ann a' taisbeanadh roghainnean airson co-dhùnaidhean a' bhùird, bitidh buill a' ceasnachadh oifigearan agus, san fharsaingeachd, bidh iad a' cur cudrom air cuspairean ro-innleachdail mar sheasmhachd ionmhasail. Tha ire mhath de sgrùdadadh a' tighinn o Bhuidheann-Obrach Modh-Sgrùdaidh cuideachd a bhios a' beachdachadh air taghadh de dh'aithisgean sgrùdaidh 's modh-sgrùdaidh 's a bhios a' cumail sùil air an adhartas a thathar a' dèanamh ann am buileachadh an molaidhean.
50. Chan eil am bòrd ro-ghniomhach ann an socrachadh nan aithisgean a dh'fheumas e gus a dhleastanasan a choileanadh. Bitidh buill ag iarraidh aithisgean air cuspairean sònraichte ach chan eil iad eòlach fhathast air sgòp is structar nan aithisgean marasglaidh air dèanadas. An àite sin, 's e oifigearan is manaidsearan a' phoileis a bhios a' socrachadh an fiosrachadh a thèid a sholar do bhuill a' bhùird a ghnàth. Mar eisimpleir, cha d' fhuair am bòrd fiosrachadh air àireamh na cloinne ann an glacas is cha deach an aire a tharraing dhan a h-uile moladh o sgrùdadadh on taobh a-muigh, a' gabhail a-steach na feadhainn nach robh iomchaidh nan sgìre a-rèir beachd nan oifigearan.
51. Cuiridh buill a' bhùird sùil bheag san fharsaingeachd air clàr-gnothaich an fhorsa air leasachadh. Mar eisimpleir, bha iad an sàs Buidheann-Obrach Ath-Sgrùdadadh an Fhorsa, a' toirt dùbhlan neo-eisimeileach dhan ath-structarachadh mhòr seo air Poileas a' Chinn a Tuath. Thoisich iad air páirt a

ghabhail ann an ath-sgrùdadadh air seirbheisean co-roinnt o chionn ghoirid. 'S e ath-sgrùdaidhean feumail a tha annta agus 's mathaid gun tig caomhnaidhean mòr asta ach 's e am forsa a bhrosnaicheas iad mar is trice 's chan eil iad a' tighinn o sgrùdadadh neo-eisimeileach nam ball. Tha sgòp ann airson dreuchd nas làidire airson nam ball ann an sònrrachadh de ghnìomhan is taghadh de phriomhachasan mus tèid aca air an obair a dhèanamh taobh ri taobh leis a' phriomh chonstabal a chum deagh luach a lorg.

Poileas a' Chinn a Tuath

Sheall Poileas a' Chinn a Tuath gu bheil e dealas do leasachadh nan seirbheisean is rinn e iomadh gniomh leasachaidh air feadh an fhorsa. Tha an gniomh seo air a bhonntachadh, chaidh priomhachasan a thaghadh is tha e air a stiùireadh le os-phlana leasachadh corporra. Chan eil stiùireadh an dèanadais a' cur priomhachas an-dràsta fhèin air cuid dhen fiosrachadh dèanadais a tha co-cheangailte ri priomhachasan mòran an fhorsa agus tha am mion-fhiosrachadh gann ann an aithisgean gniomhachd is dèanadais airson a' phobaill is a' bhùird.

52. Tha fòcas soilleir aig Poileas a' Chinn a Tuath air leasachadh. Chaidh ath-structar a chur air an fhorsa an cois ath-sgrùdaidh is dreuchdan na priomh oifise nas èifeachdaiche a-nis is gluasad de ghoireasan o luchd-obrach taice gu seirbheisean-aghaidh. A bharrachd air sin, thug e cead do chruthachadh de dh'aonadan Dion a' Phobaill, Ro-Gniomhach is Modail Innleachd Nàiseanta (NIM) aig priomh oifis gach roinne-feachd gus taic a chur ri poileasachadh obrachail. Thug am forsa a-steach Aonta air Sioftaichean Lùbach gum bi goireasan mòra aig a' phoileas aig amannan cudromach. Tha am forsa a-nis ag ath-sgrùdadadh buaidh an ath-structaraidh seo 's ag amas air buannachdan gnothachais no caomhnaidhean èifeachdais eile a chomharradh as urrainn dha lorg.
53. Bidh Poileas a' Chinn a Tuath a' bonntachadh, a' priomhachasad is a' stiùireadh a ghnìomhan a-rèir os-phlana leasachaidh corporra. Tha priomhachasad is libhrigeadh nan amasan sa phlana, an dèidh co-chomhairleachaidh, ga stiùireadh tro chuairt planadh is ath-sgrùdadadh bhliadhnaidh an fhorsa. Thathar a' beachdachadh air raon de mholaidhean leasachaidh, obair co-chomhairleachaidh, pròiseactan leantainneach is fiosrachadh air obraichean calpa nuair a nithear co-dhùnadair amasan, saothraichean is priomhachasan an fhorsa san àm ri teachd. Thèid an cur an sàs an uairsin taobh ri taobh ri amasan obrachail a fhuair aonta o Bhuidheann Marasgladh a' Chalpa 's nam Pròiseact aig an fhorsa. Tha am forsa a' cumail os-sealladh air an adhartas tro Bhòrd Dèanadas an Fhorsa, leis a' phriomh iar-chonstabal sa chathair, a nì sgrùdadadh air 's a bheir dùbhlann do ghnìomhan a bhios air leth math no dona.
54. Ged a tha grunn amasan dèanadais ann am Plana Poileasachadh an Fhorsa a thaobh priomhachasan ro-innleachdail, tha amasan dèanadais car eadar-dhealaichte ann am Plana Ro-Innleachdail an Fhorsa. Tha an gainnead de chunbalachd seo ri fhaicinn cuideachd anns an dòigh air a bheir am forsa fhèin aithris air dèanadas is grunn amasan dèanadais ann nach eil a' freagairt ris an fheadhainn a tha ann sa phlana phoileasachaidh. Faodaidh an diofar seo aimlisg adhbharachadh is aire a tharraing air falbh o phriomh raointe an dèanadais.
55. Tha structar stiùiridh iomlan aig an fhorsa gus sùil a chumail air a dhèanadas is dùbhlann a thoirt dha agus leis na diofar cathraichean a bhios os cionn nan coinneamhan seo, tha e a' solar ire àrd de structar cruaidh is dùbhlann ach fhathast càirdeil. Ge-tà, tha an diofar leis an ro-innleachd

smachdachaidh a' cur bacadh air dòigh-obrach an fhorsa san fharsaingeachd: tha an aithisg dèanadais, aig a bhios buaidh air a' phròiseas mharasglaidh, ga dhealbhadh a-rèir plana poileasachadh an fhorsa ach chan ann a-rèir na ro-innleachd smachdachaidh aige. Ged a bhios Aonad Stiùireadh Fiosrachadh an Fhorsa a' cumail sùil air an dèanadas is a' dèanamh aithris air a thaobh gniomhan bacaidh, fiosrachaidh is èigneachaидh mar phàirt dhen phròiseas NIM, chan eil na h-ùrachaidhean seo air an amalachadh sa phròiseas mharasglaidh air dèanadas an fhorsa.

56. Chan eil am fiosrachadh poblach air dèanadas iomlan. Tha am fiosrachadh a gheibhear air làrach-lin an fhorsa furasta ri leughadh is ri thuigsinn ach chan eil e a' gabhail a-steach fiosrachadh air treandaichean, targaidean is coimeas ri àireamhan cuibheasach na h-Alba is de dh'fhorsaichean eile no a' rùrachadh nan adhbharan dhan chaochlaideachd seo ann an dèanadas an fhorsa. Ged a tha fianais ann gu bheilear a' dèanamh coimeas air dèanadas eadar na roinnean-feachd is uachdranachdan sgìreil am broinn an fhorsa, cha robh ann ach fianais bheag gu bheil am forsa a' dèanamh coimeas ri forsaichean no sgìrean eile.
57. Chan eil na h-aithrisean gniomhachd a gheibh am bòrd iomlan. Chan eil am forsa a' toirt fiosrachadh gu leòr dhan bhòrd gus an urrainn dha làn sgrùdadhean a dhèanamh air na h-adhbharan do cho-dhùnaidhean a rinneadh mar fhreagairt air molaidhean o bhuidhnean sgrùdaidh. Gheibh am bòrd fhèin na aithisgean o sgrùdaidhean on taobh a-muigh ach tha iad a' crochadh air a' phoileas aig an àm seo 's am poileas a' mion-dealachadh na molaidhean 's a' dèanamh aithris orra. Thug am forsa a-steach aithisg marasglaidh bhonntaichte o chionn ghoirid anns a bheil na molaidhean a rinn na buidhnean-sgrùdaidh on taobh a-muigh a gheibh buill a' bhùird. Thathar a' cur fàilte air an leasachadh seo ach ged a thèid fiosrachadh gu leòr a chlàradh gus an urrainn dhan bhòrd sùil a chumail air an adhartas a thaobh nam molaidhean, chan eil fiosrachadh gu leòr ann a bheireadh comas dha sgrùdadhean a dhèanamh air na h-adhbharan is co-dhùnaidhean a tha air cùlaibh freagairt an fhorsa ris na molaidhean.

Cleachdadh nan goireasan

Co-Bhòrd Poileas a' Chinn a Tuath

Thathar a' cumail fiosrachadh air cùisean ionmhasail ri buill a' bhòrd gu math, tha iad gniomhach ann am marasgladh ionmhasail agus tha iad, tro iomadh buidhnean-obrach air goireasan daonna, èifeachdach ann am marasgladh de chùisean an luchd-obrach. Ni iad sgrùdadhean air grunn chuspairean ro-innleachdail co-cheangailte ri cleachdadh nan goireasan ach bidh iad a' toirt gèill dhan forsa mar is trice a bhrosnaicheas na h-ath-sgrùdaidhean seo.

58. Tha dreuchd gniomhach aig a' bhòrd ann am marasgladh stiùireadh ionmhasail an fhorsa. Bheir e aonta dhan bhuidseat air fheadh ach, a bharrachd air sin, bheir e aonta do gach co-dhùnadh ionmhasail mòr, mar chùmhnantan mòra 's prògram caiteachas calpa bliadhnil. Bidh e a' cumail sùil air aithisgean a' bhuidseit rè na bliadhna cuideachd is ag ath-sgrùdadhean nan aithisgean air bliadhnil air caomhnaidhean is èifeachdas.
59. Bidh buill a' bhùird a' cumail sùil air cleachdadh nan goireasan tro bhallrachd anns na diofar buidhnean-obrach nan oifigearan cuideachd. Mar eisimpleir, rinn am buidheann-obrach Creideas Nar

Cosnaichean (IIP) ath-sgrùdadh air tricead de làithean tinneis is toraidhean suirbhidhean an luchd-obrach dà-bhliadhail. Bha riochdachadh aig a' bhòrd cuideachd air ath-sgrùdadh an fhorsa tron phàirt a ghabh an cathraiche is an t-iar-chathraiche air Bòrd Prògram Ath-Sgrùdadh an Fhorsa. A bharrachd air sin, thèid buill a' bhùird do cho-labhairt aon-latha mun ath-sgrùdadh. Fhuair an ath-structaradh seo, anns an deach goireasan a għluasad gu mòr o sheirbheisean taice gu obair-agħaidh a' phoileis, taic o bhòrd fiosrach is gniomhach.

60. Bidh am bòrd a' gabhail ùidh ro-innleachdail thar ann an cor ionmhasail an fhorsa a bhios thairis air marasgladh aithisgean mìosail a' bhuidseit airson na bliadhna . Chaidh àireamhan a' phoileis a bhios ri obair-agħaidh a chur am meud an cois Ath-Sgrùdadh an Fhorsa agus tha e ann an cor ionmhasail gu math làidir aig an àm seo. Chunnacas gun robh buill a' bhùird glè mhothachail dhan àrainneachd eaconamach agus, a' sùileachadh ri crionadh a' bhuidseit san àm ri teachd, thug iad dùblan dhan na h-ofigearan a thaobh seasmhachd modail a' phoileasachaidh is a' choir ionmhasail làithrich.
61. Sgrùdaich buill a' bhùird cuid dhe na cuspairean ro-innleachdail a thaobh cleachdadhe nan goireasan leis an fhorsa. Mar a chaidh innse roimhe, għabb iad pàirt ann am marasgladh an ath-sgrùdaidh air an fhorsa a dh'adhbħaraich ath-structaradh mòr an fhorsa 's gluasad de għoiresan. Thoisich iad air pàirt a għabħail ann am buidheann-obrach eile o chionn għoirdi a nì ath-sgrùdadh air coħroman co-roinnidh de sheirbheisean le ûghdarrasan a tha ri taobh a chèile. Ge-tà, 's e am forsa a bhrosnaich na h-ath-sgrùdaidhean seo mar is trice 's chan ann o sgrùdadh a' bhùird air dèanadas no a mheasadħiġ air rudan eile a tha feumach air leasachadh a thàinig iad. Ged a bheachdaich e air pròiseactan sònraichte o àm gu àm, cha do stèidhich am bòrd prògram de sgrùdaidhean le priomhachsen san fharsaingeachd a tha stèidhichte air measadħiġ dèanadas no chunnartan.

Poileas a' Chinn a Tuath

Tha deagh smachd ionmhasail aig an fhorsa 's tha deagh eachdraidh aige ann am buileachadh de targadean caomhnadh ēifeachdais. Ged nach eil ro-innleachd ionmhasail ro-innleachdail aige, 's ann airson na h-ùine fhada a tha iad a' coimhead air seasmhachd ionmhasail. Chaidh structar ùr a chur air libħrigieadħ seirbheisean a' phoileis an cois ath-sgrùdadh mòr air an fhorsa 's fhuaradħ caomhnaidhean ēifeachdais neo-shuarach às. Tha deagh dhòigh-dhēiligidh aig an fhorsa air stiùireadh ro-innleachdail nan goireasan daonna aige ach cha robh fianais mhòr san obrachadh gu bheilear a' cleachdadhe pròiseas co-roinneadh na h-obrach eadar na roinnean-feachd gus aghaidh a thoirt air dùblain ann an obair a' phoileis tro għnàt-ghluasad de għoiresan on tir-mhòr gu na h-eileanan.

62. Bha buidseat de theachd a-steach chruinn aig Poileas a' Chinn a Tuath airson 2009/10 de £59.4 millean, barrachd air millean not a bharrachd an coimeas ris a' bhliadhna seo chaidh. Ge-tà, tha fianais ann a sheallas gu bheil caiteachas an fhorsa gu math i seal an coimeas ri forsaichean eile a' phoileis ann an Alba. Chosg e £223 an duine ann an 2008/09, fada nas lugha na an cuibheas Albannach de £258 is beagan fo ire caiteachas an fhorsa ann an 2007/08 ([Clàr 3](#)).

Clàr 3

Caiteachas iomlan air poileasachadh na h-Alba air gach duine san t-sluagh an 2008/09 is 2007/08

Caiteachas iomlan air gach duine san t-sluagh	2008/09 Cunntasan bliadhnaile £	2007/08 £
Alba	258	258
Taobh Tatha	241	234
Lodainn ḡ na Criochan	292	287
Srath Chluaidh	265	267
Ceann a Tuath	223	230
Am Monadh Liath	236	222
Am Meadhan	221	229
Fiobha	235	239
Dùn Phris ḡ Gallghaidhealaibh	277	272

Fios: Chaidh obair TFC a ghuasad gu ÙSPA (Ùghdarris Seirbheisean Poileas na h-Alba) 1 dhen Gibilean 2008. Bidh buaidh aige seo air coimeas fiosrachadh a' chaiteachais eadar 2007/08 is 2008/09.

Tùs: cunntasan bliadhnaile bùird nam poileas

63. Tha smachd ionmhasail làidir aig Poileas a' Chinn a Tuath. Tha deagh phròiseasan aig a' bhòrd airson sudheachadh is marasgladh a' bhuidseit is bidh e a' toirt aithisgean iomlan dhan bhòrd. Tha tràchd dearbhaichte aig an fhorsa a thaobh caomhnaidhean èifeachdais soirbheachail cuideachd. Rinn e aithris air £1.8 mhillean de chaomhnaidhean ath-chùrsach ann an 2008/09, còmhla ri £1.7 mhillean eile a fhuaradh o reic nan taighean poileis. Tha plana ann airson caomhnadh eile de £1.8 mhillean airson na bliadhna ionmhasail làithreach. Chaidh aig an fhorsa air airgead a chaomhnadh is chaidh a chur gu feum ann an àrdachadh àireamh oifigearan a' phoileis a bhios ri obair-aghaidh.
64. Chaidh a chuid as mothà dheth a thoirt gu buil tro ath-sgrùdadh air a' mhodail phoileasachaidh aige. Chaidh na seirbheisean poileasachaidh a chuibreannachadh mar phàirt de dh'ath-sgrùdadh an fhorsa a thoisich ann an 2007. Rinn am priomh chonstabal is buill a' bhùird soilleir nach rachadh poileas lèirsinneach sa choimhearsnachd a lughdachadh na chois. Lughdaich am forsa àireamh luchd-obrach taice a' phoileis le 75 (mu thuaiream 15 sa cheudad), lughdaich e àireamh an luchd-obrach na phriomh oifisean is cuir e am meud àireamh nan oifigearan poileis. Cha deach stèisean poileis a dhùnadh an cois ath-sgrùdadh an fhorsa. Tha àireamh de stèiseanan aig Poileas a' Chinn a Tuath fhathast far nach eil ann ach aon oifigear ann an sgìrean iomallach 's iad ag obair nan aonar no le taic constabail shònraichte. Tha am bòrd is am priomh chonstabal a' cumail a-mach gu bheil seo riatanach a chum làithreachd fhollaiseach a' phoileis ann an coimhearsnachdan glè iomallach.
65. Thug ath-structaradh an fhorsa seo comas dha aonad Dion a' Phobaill, aonad NIM is aonad Ro-Ghniomhach a stèidheachadh anns gach priomh oifis roinn-fheachdail (Inbhir Nis, Inbhir Pheofharain is Inbhir Ùige). Tha an structar seo nas coltaiche ris na tha aig forsaichean eile ann an Alba 's tha na roinnean-feachd nas tapaidh a-nis a thaobh goireasan poileasachaidh coitcheann is sònraichte agus chuir e an àirde os-sealladh is taic do stiùireadh dòn na cloinne is iarrtasan dòn on phoball cuideachd.

66. Tha deagh mhothachadh aige, mar a tha aig forsaichean eile, do chosgaisean iomlan obair a' phoileis a-rèir nan roinnean-feachd is dreuchdan aige ach tha e doirbh dhaibh cosgaisean de ghniomhan poileasachaidh sònraichte a chomharradh. 'S ciall dha seo nach eil mothachadh math aig an fhorsa, is gainnead soilleireachd an cois sin, dhan dàimh eadar goireasan a chuirear an sàs, na h-ìrean dèanadais is toraidhean san fharsaingeachd.
67. Chan eil plana ionmhasail aig an fhorsa airson na h-ùine fhada ach bitidh iad a' coimhead air adhart nas fhaide na a' bhliadhna ionmhasail làithreach. Tha na planaichean a' chalpa làithreach airson trì bliadhna (2008/09 gu 2010/11) is planaichean an teachd a-steach airson bliadhna a-mhàin, 2009/10. Rinn am forsa conaltradh leis na h-ùghdarrasan na bhròinn mu mheud a' mhaoineachaidh a gheibh e 's tha e ag aithneachadh gur mathaid nach bi an ìre seo seasmhach. Chuir e sùil air a' chùis ach am faigh e dòigh air a shaoras e ùine is airgead tro èifeachdas is e a' dealbhadh a' bhuidseit aige aig diofar ìrean de chaomhnaidhean èifeachdais gus a bhuaidh a lasachadh.
68. Chan eil ro-innleachd air fheadh aig Poileas a' Chinn a Tuath a thaobh stiùireadh nam maoin a tha co-cheangailte ri amasan is priomhachasan ro-innleachdail. Tha planaichean stiùireadh nam maoin aig an fhorsa airson a cuid seilbheachdan is carbadan. Tha e cha mhòr deiseil le prògram fada 's e ag ùrachadh na stèiseanan poileis aige no a' cur feadhainn ùra nan àite agus mar thoradh air sin, tha oighreachd ann an deagh chor. Tha e na iongnadh ge-tà nach bi iad a' cleachdad nan aon togalaichean 's a tha buidhnean poblach eile san sgìre a' cleachdad, can na seirbheisean smàlaidh, leis cho tireil 's a tha cuid mhath dhen sgìre. Tha sinn a' tuigsinn gun do rinn Poileas a' Chinn a Tuath oidhirp gus a' chùis seo a chur air adhart sna bliadhnaichean seo chaidh ach nach robh na buidhnean com-pàirteachais deònach earbsadh às na rudan a chaidh am moladh.
69. Ged a tha àireamh mhòr de chonstabalan sònraichte aig Poileas a' Chinn a Tuath, tha cuingeachaidhean ann air inntrigeadh do ghoireasan is fiosrachadh, rud a tha na bhacadh air nach eil feum air èifeachdas. Tha cleachdad nan constabalan sònraichte na fhuasgladh phragmatach air poileasachadh ann an sgìrean glè iomallach 's iad comasach air ciad fhreagairt a thairgsinn ann an tubaistean no tachartasan mòra 's air fios a leigeil dha na h-oifigearan poileis làn tide as fhaisge orra. Tha na constabalan sònraichte nam pàirt shònraichte dhe na sgiobannan poileasachaidh anns na coimhearsnachdan nach eil buileach cho iomallach. Faodaidh gum bi an constabal sònraichte anns na stèiseanan le aon oifigear a-mhàin na phriomh thùs de dh'fhiannais no na phriomh cho-obraiche a dh'obraicheas còmhla ris an oifigear làn tide. Far nach bi oifigear làn tide an làthair ann an stèisean poileis, cha bhi inntrigeadh aig a' chonstabal sònraichte dhan togalach, do choimpiutairean a' phoileis no fiosrachadh fèin-ullachaидh. A bharrachd air sin, chan eil cead aig a' chuid as motha dhe na constabalan sònraichte gus carbadan a' phoileis a dhraibheadh am broinn Poileas a' Chinn a Tuath. Tha an cuingeachadh seo air inntrigeadh do ghoireasan, fiosrachadh is carbadan na bhacadh air goireas luachmhor a' phoileis.
70. Tha pròiseas planadh an luchd-obrach an sàs aig Poileas a' Chinn a Tuath 's cheangail e plana trèanadh an fhorsa ris na priomhachasan ro-innleachdail aige. Thèid feum air trèanadh a mheasadh is priomhachasan a chur air a-rèir feum an fhorsa air fad gus an t-iarrtas seirbheise a choileanadh. Rinn am forsa chaomhnaidhean na bhuidseat trèanaidh cuideachd 's e a' cleachdadòigh ùr-ghnàthach

airson maoineachadh nan oifigearan a nì an Dioploma ann an Stiùireadh is Ceannardas a' Phoileis. Ma shoirbhicheas oilleanaich leis an dioploma, faodar beachdachadh air an àrdachadh. Dh'atharraich Poileas a' Chinn a Tuath an slat-tomhais a chleachdas e ann an roghnachadh dhaoine airson an dioploma 's lughdaich seo cosgaisean an trèanaidh. Gheibh tagraichean àrdachaидh aig nach eil na teisteanasan freagarrach taic a chum càrsa an dioploma 's barantas àrdachaидh ma shoirbhicheas iad leis an dioploma. Lughdaich seo àireamh nan tagraichean a gheibh taic airson an dioploma air nach bi feum as dèidh sin airson àrdachadh gu dreuchdan bàna ris a bha dùil roimhe.

71. Tha fianais ann gu bheil luchd-obrach an fhorsa misneachail. Chaidh suirbhidhean a dhèanamh air an luchd-obrach, an dà chuid oifigearan a' phoileis is an luchd-obrach taice, gach dàrna bliadhna ach thèid an cumail gach bliadhna a-mach o 2009. Fhuaradh freagairt mhath san t-suurbhidh mu dheireadh, faisg air 70 sa cheudad is cha cùraman mòra ann. Tha an luchd-obrach gu h-àraig misneachail gu bheil dreuchd soilleir aca am broinn an forsa 's trèanadh is taic gu leòr aca a chuidicheas iad nan obair. 'S e ìre a' cho-chomhairleachaidh ro atharrachaidhean obrachail an dragh as mothà a chaidh a chur an cèill.
72. Chunnacas beagan fianais gu bheil goireasan luchd-obrach sònraichte gan gluasad eadar na roinnean-feachd a ghnàth mar fhuasgladh air dùbhlàn do dh'obair a' phoileis. Dh'fhàs na roinnean-feachd na bu chomasaiche air gluasad de goireasan sònraichte o ath-structarach an fhorsa a chaidh a dhèanamh o chionn ghoirid ach bha an t-inntríeadh caochlaideach eadar na roinnean-feachd. Tha gluasad de dh'oifigearan nuair a bhios fios gu bheil feum orra cumanta gu leòr air an tir-mhòr ach chunnacas rè an sgrùdaidh gu bheilear a' gluasad oifigearan do dh'eileanan an fhorsa nas ainneimhe. Ged a thathar ag aideachadh gu bheil mi-chleachdadh dhrugaichean na dhuilgheadas mòr ann an Sealainn, chan fhaca sinn fianais gu bheilear a' toirt ionnsaigh air a' chùis seo tro phròiseas co-roinneadh saothrach, mar eisimpleir le bhith a' gluasad sgioba ro-ghniomhach na roinne-feachd dha na h-eileanan.

Co-Ionnachd

Co-Bhòrd Poileas a' Chinn a Tuath

Gheibh am bàrd aithisgean adhartais cunbalach o sgeamannan co-ionnanachd achdail an fhorsa 's tha riocdhachadh aig air Buidheann air Adhartas lomadachd an fhorsa. Ge-tà, chan eil cùisean co-ionnanachd is iomadachd air a chur an sàs gu tur na obair fhathast.

73. Dhealbhaich am bàrd sgeamannan co-ionnanachd achdail airson cinneadh, gnè is ciorramachd agus dh'fhoillsich e aithisgean adhartas bliadhnailear airson gach aon dhe na trì sgeamannan aig a bheil taic o na planaichean ghniomhachdan. Gheibhear a h-uile foillseachadh seo air làrach-lìn a' bhùird. Gheibh am bàrd naidheachdan air na sgeamannan co-ionnanachd aig Poileas a' Chinn a Tuath gu cunbalach rè na bliadhna ach chan eil càil am follais a chuireadh nar sùil gun tèid an sgrùdadh a ghnàth le buill a' bhùird.
74. Tha triùir dhen bhòrd air a' Bhuidheann air Adhartas lomadachd aig an fhorsa, a' gabhail a-steach a' chathraiche is an iar-chathraiche. Tha an cuid com-pàirteachais sa bhuidheann ri leasachadh fhathast ach tha seo na dheagh shuidheachadh dhaibh gus com-pàirteachas a' bhùird ann an cùisean co-

ionnanachd a neartachadh. Ge-tà, chan eil buill eile a' bhùird ach ri com-pàirteachais beag ann an cùisean co-ionnanachd is iomadachd. Thug Poileas a' Chinn a Tuath is Comhairle na Gàidhealtachd seachad trèanadh ann an co-ionnanachd còmhla sa Ghiblean 2009 ach cha do gabh ach an dàrna leth dhe na buill pàirt san trèanadh seo.

Poileas a' Chinn a Tuath

Thathar a' toirt aire gu leòr do chùisean co-ionnanachd a ghnàth ann an sgìrean Poileas a' Chinn a Tuath air tir-mòr ach chan eil seo air a thoirt gu buil cho math ann an sgìrean ùghdarras nan eilean.

75. Tha Poileas a' Chinn a Tuath a' dèiligeadh ri cùisean co-ionnanachd air dòigh reusanta mhath san aonad chorporra. Tha e a' sgrìobhadh sgeama co-ionnanachd singilte an-dràsta a bheir còmhla na sgeamannan air cinneadh, gnè is ciorramachd a tha ann an-dràsta 's curidh e ris treòrachadh a bharrachd air cùisean mar aois, aidmheil cleamhnais, dearbh aithne gnè is creideamh. Cho-obraich Poileas a' Chinn a Tuath leis na com-pàirtichean aige air a' Ghàidhealtachd gus co-ionnanachd is iomadachd a bhrosnachadh leis an iomairt "Hate Free Highlands" aig a bheil inneal leis an urrainnear cunntas a thoirt air an lion. Tha planaichean ann gus a leudachadh do dh'ùghdarsasan nan eilean ach cha robh sin an sàs fhathast aig àm an sgrùdaidh.
76. Tha am priomh chonstabal na chathraiche air an raon ghnóthaich air co-ionnanachd is iomadachd airson Comann Prìomh Oifigearan a' Phoileis ann an Alba (ACPOS) a bhrosnaicheas is a bheir taic do cho-ionnanachd is iomadachd am broinn gnothaichean an fhorsa. Rinn am forsa saothair gus buidhnean a ruigsinn nach eil furasta ri ruigsinn. Tha fianais ann air caidreamh brosnachail le raon farsaing de bhuidhnean iomadachd aig an ire ro-innleachdail. Chan robh sin cho follaiseach taobh a-muigh sgìre ùghdarras na Gàidhealtachd, le riochdachadh is caidreamh beag o luchd-riochdachaidh nam meanbh shluagh à ùghdarsasan nan eileanan.
77. Tha ceannardas soilleir is fòcas ro-innleachdail ann air co-ionnanachd is iomadachd ach nas lugh aì measadh buaidh nam poileasaidhean is gniomhan. Tha oifigear iomadachd an fhorsa a' brosnachadh deagh chleachdadh am measg comhairlean CPC na bhroinn. Nì am forsa coimeas eadar e fhèin is forsaichean eile tro chlàr-amais co-ionnanachd san àite-obrach aig Stonewall is cruinnichidh e dàta marasglaidh air co-ionnanachd thairis air na cuspairean iomadachd. Tha am fiosrachadh seo ga mharasgladh is ath-sgrùdadadh leis a' bhuidheann air adhartas iomadachd. Tha am forsa air a bhith slaodadh le adhartas nam measaidhean air buaidh co-ionnanachd is air sgàth sin, chan urrainn dha a bhith cinnteach nach eil droch bhuaidh aig poileasaidhean no gniomhachd poileasachaidh air an luchd-obrach is na coimhearsnachdan.
78. Ged a tha raon iomadach de chom-pàrtichean ann am Buidheann Comhairleachaidh na Coimhearsnachd, feumar barrachd a dhèanamh gus dèanamh cinnteach gun èistear ri guthan nan coimhearsnachdan a tha doirbh ri ruigsinn ann an sgìrean ùghdarsasan nan eilean. Chuir Poileas a' Chinn a Tuath structar foirmeil air caidreamh coimhearsnachd le diofar buidhnean co-ionnanachd san Lùnastal 2008 le stèidheachadh de Bhuidheann Comhairleachaidh na Coimhearsnachd ro-innleachdail (CAG). Tha riochdachadh farsaing air a' bhuidheann seo o bhuidhnean creideimh, LGBT is thar-ghnèitheach, òganach, cinnidheachd is ciorramachd. Tha a' chuid as mothà dhen

riochedachadh à sgìre Comhairle na Gàidhealtachd is chan eil ach beagan riochedachaidd ann o na coimhairsnachdan à ùghdarrasan nan eilean.

Seasmhachd

Co-Bhòrd Poileas a' Chinn a Tuath

Ged nach eilear a' beachdachadh mòran air cùisean na h-àrainneachd gu sònraichte, bidh buill a' bhùird a' beachdachadh air cùisean san fharsaingeachd a thaobh seasmhachd na coimhairsnachdan, gu h-àraig ann an sgìrean tireil.

79. Cha deach mòran a dheasbad a dhèanamh air seasmhachd àrainneachdail aig coinneamhan a' bhùird ged a bhios buill a' bhùird a' beachdachadh air cùisean san fharsaingeachd a thaobh seasmhachd eaconamach is shòisealta nan coimhairsnachdan. 'S e ath-structaradh an fhorsa aon dhe na priomh phuingean a thàinig à ath-sgrùdadh an fhorsa a rinneadh o chionn ghoirid ach chaidh a dhèanamh cinnteach le taic buill a' bhùird gum bi cothromachadh ann eadar am feum air brosnachadh eaconamachd is seasmhachd obair a' phoileis ann an sgìrean gu math tireil is iomallach.

Poileas a' Chinn a Tuath

Tha am forsa a' leasachadh dòigh-dhèiligidh nas iomlaine a thaobh seasmhachd. Chum e comhairleachadh mu bhuaidh nan atharrachaidhean air dreuchdan poileis ann an sgìrean iomallach a chaidh a mholadh. Ged a thoisich cuid dhen obair, chan eil dòigh-obrach aig an fhorsa a' dhèiligeas ris a h-uile cuspair seasmhachd.

80. Tha deagh thugse aig a' bhòrd air seasmhachd shòisealta is seasmhachd na seirbheise. Rinn e co-chomhairleachadh mòr rè ath-sgrùdadh an fhorsa nuair a bhathar a' cnuasachadh air dreuchdan a thoirt air falbh o choimhairsnachdan iomallach. Tha dealas làidir ann do ghlèidheadh obair fhollaiseach a' phoileis sa choimhairsnachd ann an sgìrean iomallach. Ghlèidh am forsa na stèiseanan le aon oifigear, agus chuir e maoineachadh ann, gus bun-structar poileasachaidh a chumail sna sgìrean iomallach seo. Tha am forsa a' fastadh 's a' cumail constabalan sònraichte gus am bi cuideigin ann ris an urrainnear bruidhinn is inntinn nan coimhairsnachdan a chur aig fois agus a bharrachd air sin, mar chiad fhreagairt nuair a thachras càil.
81. Chuir am forsa maoin mhòr ann am bun-structar ùr is freagarrach a chum a chrìochan. Tha togalaichean an fhorsa ùr is air an deagh chumail mar is trice. Gheibh na togalaichean ùra buannachdan o chòmh dadh-blàthachaidh ùr-nòsach agus tha gineadairean cumhachd ath-ùrachaidh aig an fheadhainn as ùire. Thèid coinneamhan a chumail mar choinneamhan-lìn far an gabh seo a dhèanamh, seach iarraidh air daoine siubhal. Tha am forsa ri iomairt sgeama nam bolgan-solais mar bhrosnachadh dhan luchd-obrach gus èifeachdasan a lorg, rud a dh'adhbharaicheas caomhnaidhean ionmhasail. Tha targaid a' chaomhnaidh ionmhasail soilleir air feadh an fhorsa ach cha robh targaidean soilleir ann a thaobh caitheamh cumhachd is sgaoileadh carboin airson togalaichean, roinnean-feachd no sgìrean seirbheise. Tha cothrom aig an fhorsa piseach a chur air an dòigh air a dhèiligeas e ri seasmhachd.

Measadh Dèanadas Poileas a' Chinn a Tuath

A' libhrigeadh toraidhean a' phlana phoileasachaidh

Tha plana poileasachaidh an fhorsa a' cur prìomhachas air amasan is tha e mothachail an dà chuid do chudromachd adhbharan nàiseanta agus obair a' phoileis sa choimhearsnachd air feadh na Gàidhealtachd 's nan Eilean. Tha ire de leantaileachd ann am priomhachasan na buidhne a chaidh a chomharradh sa phlana 's na dearbh phriomhachasan sa phlana fad iomadh bliadhna. Cha tug am forsa dàta dhan SPPF air riarrachadh a' phobaill is ùine nam freagairt-èiginn a tha nam prìomh chuspairean is tha e doirbh mar sin coimeas a dhèanamh ri forsaichean eile a' phoileis ann an Alba. Chaidh aig an fhorsa air àireamhan de dh'eucoirean a chaidh a chlàrachadh ìsleachadh is tha na rèitichean fuasglaidh math fhathast.

82. 'S e libhrigeadh de thoraidhean cruaidh airson na coimhairsnachd far a bheil e an t-slat-tomhais as bunaithe ann am measadh soirbheachais. Thèid na CAA a chleachdad mar aon dhe na priomh thùsan de dh'fhanais air dèanadas forsa. Chan fhada on a thoisicheadh air dealbhadh nan CAA 's mar sin chan urrainn dhuinn measadh iomlan a dhèanamh air dè cho soirbheachail 's a tha iad. Air sgàth sin, bheachdaich sinn air an adhartas a nì Poileas a' Chinn a Tuath le coimeas eadar dèanadais seirbheise is na h-amasan ro-innleachdail aige airson 2008/09.
83. Tha priomhachasan ro-innleachdail an fhorsa gam mìneachadh ann am plana bliadhnaile a' phoileasachaidh agus cha tàinig atharrachadh orra on a chaidh plana 2007-2008 fhoillseachadh. Seo na còig priomhachasan ro-innleachdail:
 - A' brosnachadh rathaidean nas tèarainte
 - Ag ìsleachadh eucoir
 - A' toirt ionnsaigh air droch eucoir
 - A' togail coimhairsnachdan nas làidire is nas tèarainte
 - A' cumail an òrduigh phoblaich.Chaidh dà amas neo-obrachail a chur ris a' phlana a-mach 2009/10;
 - Ag ùrachadh ar seirbheisean
 - A' leasachadh ar daoine 's a bhith nar fastaiche tarraingeach.
84. Tha grunn bheàrnan anns an fhiosrachadh air marasgladh dèanadais a tha ri fhaighinn. Cha do sholar Poileas a' Chinn a Tuath am fiosrachadh gu lèir no an seachas co-theacsail air a bheil feum thairis air an dà bhliadhna a chaidh 's e na phàirt de SPPF nàiseanta. Tha na beàrnan seo a' gabhail a-steach priomh chûisean mar riarrachadh a' phobaill is amannan freagairt-èiginn. Tha e doirbh coimeas a dhèanamh eadar dèanadas Poileas a' Chinn a Tuath 's forsaichean poileis eile leis a' ghainnead seo de dh'aithrisean iomlan anns gach sgìre an SPPF. A dh'aindeoin nam beàrnan seo, gabhaidh measadh a dhèanamh air adhartas an fhorsa a thaobh nam priomhachasan ro-innleachdail aige ma cuirear sùil air treandaichean bliadhnaile a dhèanadais.


Amas 1 - rathaidean nas tèarainte

Chaidh aig an fhorsa àireamh nan daoine a chaidh a mharbhadh no leònadh gu dona ann an tubaistean rathaid lughdachadh gu mòr tro cho-obrachadh le chom-pàirtichean, ged nach deach aca air àireamh nan draibhearan air mhisg a chaidh a thoirt gu cùirt a chur am meud.

85. Chaidh 412 dhuine a mharbhadh no a leònadh gu dona sa chuibheas bhliadhnailean am broinn sgìre Poileas a' Chinn a Tuath eadar 1994 is 1998. Bha an àireamh seo air tuiteam gu 179 ann an 2008-2009, fada na b' ìsele na targaid an fhorsa de lughdachadh a 40 sa cheudad (faic [Clàr 4](#)). Chaidh lughdachadh coltach ris a chlàrachadh airson àireamhan de chlann a chaidh a mharbhadh no a leònadh gu dona 's cuibheas bliadhnailean 1994-1998 de 46 air tuiteam gu sianar ann an 2008-2009.
86. 'S e na tubaistean rathaid a-mhàin a dh'fhan aig ère gu math rèidh thairis air na trì bliadhna seo chaidh, le àireamh nan daoine a chaidh a mharbhadh dhen dearbh chuibheas 's a tha forsaichean eile a' clàradh ann an Alba.

Clàr 4

Daoine air a mharbhadh is air a leònadh gu dona air an rathad



Tùs: HMICS is Audit Scotland

87. Ged a chaidh leis àireamh nan daoine a chaidh a mharbh a lughdachadh, cha deach a thaobh dhraibhearan air mhisg is air dhruga. Ged a rinneadh oidhrip gus àireamh nan ciontach a chaidh a thoirt gu cùirt a chur am meud le còig sa cheudad airson draibheadh air mhisg is air dhruga, thuit àireamh nan cionta a lorgadh le ochd sa cheudad ann an 2008-2009 an coimeas ris a' bhliadhna roimhe. Ann an àireamhan slàna, 's e seo lughdachadh de chiontan draibhidh air mhisg a chaidh a chlàradh o 863 ann an 2007-2008 gu dìreach 796 rè 2008-2009.

88. Gu h-iomlan, chaidh àireamh de chiontan le carbad motair a chlàraich Poileas a' Chinn a Tuath an àirde le 11 sa cheudad an coimeas ris a' bhliadhna roimhe ann an 2008-09. Thachair seo air sgàth àrdachadh mòr de chiontan astair (23 sa cheudad) a thathar a' fàgail air dòigh ùr anns am bi oifigearan gan sgaioleadh a-rèir fiosrachaidh 's a chaidh a thoirt a-steach san Fhaoilleach 2009 leis an Northern Safety Camera Partnership. Tha an dòigh ùr seo a' cleachdad dhàta o shuirbhidhean astair is co-bhualaidhean gus an urrainnear amas air carbadan a tha a' draibheadh ro luath no aig astar mì-cheart aig no faisg air àitichean far an do thachair co-bhualaidhean dona roimhe.

Amas 2 - ìsleachadh eucoir

Cha do choilean am forsa a' chuid a bu mhòtha dhe na targaidean ìsleachadh eucorach aige fhìn an-uraidh, le àrdachadh de 1.5 sa cheudad de dh'eucoirean ann am Buidheann 1 gu 4 (eucoirean ainneirt, mì-chuibheasachd, eas-onair, cur teine is giùlan le cion-umhail). Cha robh am forsa soirbheachail ach le targaid Buidhinn 4 's chaidh eucoir sios ann.

89. Bha luasgadh mòr ann an àireamhan eucorach ann am Buidheann 1-4 thairis bliadhna an dèidh bliadhna. Chaidh àireamhan de dh'eucoir chlàraichte an fhorsa an àirde gu mòr anns an trì bliadhna eadar 2006-2007 is 2008-2009, le lasachadh na dhèidh ach nach do lean air. Leis a' ghainnead de dh'fiosrachadh co-theacsail a thug am forsa dhan SPPF, tha e doirbh a ràdh dè dh'adhbharaich an luasgadh seo. Ged a tha an dhàta air eucoir chlàraichte ann an 2009-2010 taobh a-muigh sgòp an sgrùdaidh seo, tha e brosnachail fhaicinn gu bheil eucoir a' lughdachadh anns na ceithir buidhnean a-rèir coltais.
90. Tha eucoir sa Bhuidheann 1 (eucoir ainneirt) a' sealltainn àrdachadh nan ciontan clàraichte, gu ìre air sgàth ciontan co-cheangailte ri deoch-làdir ann an gnothachas na h-oidhche is gu ìre air sgàth clàradh nas àirde de chiontan an aghaidh cloinne an cois leudachadh *Getting It Right For Every Child* ("GIRFEC").¹ Chaidh eucoir sa Bhuidheann 1 an àirde le 5.8 sa cheudad an coimeas ris a' bhliadhna roimhe ann an 2008-2009. Tha seo a' gabhail a-steach àrdachadh de dh'ionnsaigh chruaidh, maoidheadh is sracadh, eu-tròcair, làimhseachadh mì-nàdarra de chlann is seilbheachd airm-loisgidh. Bha a' chuid a bu mhòtha nan ionnsaighean cruidhe co-cheangailte ri gnothachas na h-oidhche. Tha maoidheadh is sracadh co-cheangailte ri aimhreit an teaghlaich no na coimhearsnachd mar is trice 's chan ann ri droch-eucoir no eucoir air eagraichte. Tha àrdachadh nan eucoir an aghaidh na cloinne na chomharradh air mothachadh nas fhearr a' phobaill dha is co-roinneadh fiosrachaidh nas fhearr eadar com-pàirtichean leudachadh "GIRFEC". Tha a' mhòrchuid de dh'eucoirean nan arm-teine co-cheangailte ri maoidheadh le airm-theine fhuadain no tachartasan far an deach arm-teine a loisgeadh le ciontach aig a' cheann thall.
91. Chan eil gleus clàraidh aig Poileas a' Chinn a Tuath aig an àm seo, coltach ri forsaichean eile, eadar ciontan a tha eachdraidheil nan nàdar is feadhainn a chaidh a dhèanamh san ùine aithris. Mar eisimpleir, tha àireamh de chiontan drabasdach is drùiseil air àrdachadh le 34 sa cheudad a-mach o


¹ Riaghaltas na h-Alba – A Guide to Getting it right for every child, an t-Sultain 2008 <http://www.scotland.gov.uk/gettingitright>

2007-08 a-rèir coltais. 'S ann air sgàth an aithrisidh cùl-radharcaich a tha seo agus grunn eucoirean eachdraidheil a chaidh an lorg ach a chaidh a dèanamh sna bliadhnaichean roimhe. Mar sin, 's ann air sgàth obair poileis a bharrachd ann an dion na cloinne is an teaghlaich a thachair an t-àrdachadh mas-fhìor seo agus chan ann air sgàth tuilleadh eucoirean.

92. Chlàraich am forsa rèit fuasglaidh de 63 sa cheudad airson na h-uile eucoir rè 2008-2009, an dàrna àireamh as àirde ann an Alba. Tha an àireamh seo nas àirde na cuibheas nan rèitichean fuasglaidh a chlàraich na forsaichean air fad ann an Alba ([Clàr 5](#)). Gu dearbh. tha rèitichean fuasglaidh gu math eadar-dhealaichte ann an Alba, tro bhuaidh rudan mar cuibhreann de dh'eucoirean clàraichte, cleachdadadh Bun-Tomhas Clàrachadh Eucoir na h-Alba, cruinn-eòlas is sluagh-eòlas. Tha nàdar tireil na sgìre na bhuanachd do Phoileas a' Chinn a Tuath gun teagamh 's rèitichean fuasglaidh nas àirde anns a leithid seo de dh'àite a ghnàth, seach ann am bailtean.

Clàr 5

Rèitichean fuasglaidh, Buidheann 1-4



Legend:	Central: Meadhan; D & G: D & G; Fife: Fiobha; Grampian: Monadh Liath; L & B: L & C;	Northern: Tuath; Strathclyde: S Chluaidh; Tayside: T Tatha; Scotland: Alba
----------------	---	---

Tùs: HMICS


Amas 3 - ionnsaigh air eucoir chruaidh

Tha àireamh nan ciontan dhruaichean a chaidh a lorg na chomharradh air ro-ghniomhachd forsa. Dh'fhàs àireamh nan ciontan a chaidh a lorg le Poileas a' Chinn a Tuath airson drugaichean de Chlas A, ged a lughdaich meud nan drugaichean a chaidh a ghlaicadh. A dh'aindeoin àrdachadh o chionn ghoirid, tha treand na h-eucorach ainnearach a' lughdachadh. Leis an taghadh cumhang de thargaidean a chleachdas am forsa airson measadh a dhèanadais a thaobh ionnsaigh a thoirt air eucoir chruaidh, tha e doirbh measadh iomlan a dhèanamh air a' cheist seo.

93. Le nàdar cuingichte nan tomhas a thagh Poileas a' Chinn a Tuath, tha e doirbh làn mheasadh a dhèanamh air dèanadas san raon seo. Tha am forsa a' cur cudrom air amasan dèanadasair ciontan dhruaichean dhen Chlas A is eucoirean cruaidh is ainneartach san raon seo. Bu chòir dha beachdachadh air tomhasan dèanadas eile gus am faighear dealbh nas iomlaine air toraidhean gnìomhachd a' phoileis san raon phriomhachais seo.
94. Chlàraich am forsa àrdachadh ann an ciontan dhruaichean dhen Chlas A rè 2008-2009 ach thuit meud nan drugaichean a chaidh a ghlacadh on bhliadhna roimhe ([Clàr 6](#)). Tha seo na chomharradh air deagh adhartas le glacadh nas fhearr airson solar is seilbheachd le dùil solair de dhruaichean fo smachd. Ged a thuit meud nan drugaichean a chaidh a ghlacadh, feumar toirt an aire gun deach meud glè mhòr de dhruaichean a ghlacadh ann an 2007-2008 is bhiodh e doirbh an àireamh seo a chur am meud fhathast. Tha ionnsaigh air solar nan drugaichean dhen Chlas A na phriomhachas air feadh na h-Alba a chionn 's gum bi e na chomharradh de bhuidhnean eucoireach eagraichte san sgìre. Chaith a chomas air gnìomhachd ro-ghniomhach a chur am meud gu mòr - as dèidh ath-structarach na roinne-feachd an cois ath-sgrùdadh an fhorsa - is chaidh cudrom a chur air ionnsaigh a thoirt air solar de dhruaichean fo smachd.

Clàr 6

Poileas a' Chinn a Tuath - glacadh dhruaichean dhen Chlas A (gramaichean)



Tùs: HMICS

95. Chaidh àireamh an ciontan flor ainneartach clàraichte ann an sgìre an fhorsa an àirde. Ge-tà, tha an treand a' dol sìos fhathast thairis air trì bliadhna le 20 sa cheudad nas lugh a chiontan air a chlàrachadh ann an 2008-2009 an coimeas ri 2006-2007. Dh'fhan rèitichean fuasglaidh airson a leithid seo de chionta àrd agus bha iad aig 90.8 sa cheudad ann an 2008-2009. Mar sin, chaidh leis an fhorsa air an targaid aige a choileanadh, a dh'aindeoin 's gur e tuiteam de 2.4 sa cheudad a tha ann an da-rireadh an coimeas ris a' bhliadhna roimhe.

Amas 4 - coimhearsnachdan nas tèarainte is nas làidire

Chan eil am forsa a' coileanadh nan targaidean aige airson na h-ùine a bheir e gus aithisgean a chur gu Aithrisiche na Cloinne no Procadair a' Chrùin agus 's esan an dàrna forsa as miosa ann an Alba anns an dà rud. Tha suirbhidhean air beachdan a' phobaill a' toirt nar sùil gu do dh'fhàs eagal ro eucoir is giùlan neo-shòisealta am measg muinntir a' Chinn a Tuath agus aig an aon àm, dh'fhàs riarrachas le follaiseachd is bun-tomhas seirbheis a' phoileis.

96. Chuir Poileas a' Chinn a Tuath piseach air an ùine a bheir e gus aithisg a chur do phrocadair a' chrùin thairis air na trì bliadhna a dh'halbh, le 80 sa cheudad a' coileanadh na targaide nàiseanta de 28 làithean. Ged a thathar ag aideachadh gur e piseach a tha seo, feumar cuimhneachadh gur e seo an dàrna ceudad as isle aig forsa sam bith ann an Alba 's gu bheil e fad air dheireadh air an rèit is àirde de 95.8 sa cheudad.
97. Thuit àireamh nan aithisgean do dh'Aithrisiche na Cloinne a bha ri tide le ceithir sa cheudad an coimeas ris a' bhliadhna roimhe ann an 2008-2009 's tha e aig 77.5 sa cheudad a-nis. 'S e seo an dàrna ceudad as isle am measg nam forsaichean uile ann an Alba 's fada nas isle na an rèit as mothaid 95.9 sa cheudad.
98. Tha lughdachadh neo-làithreachd tinneis am measg targaidean an fhorsa airson coimhearsnachdan nas tèarainte is làidire. Bha rèitichean neo-làithreachd an fhorsa am measg na feedhainn a b' àirde ann an Alba ann an 2006/07 ach bha iad a' sìor dhol an lughad thairis air na trì bliadhna a dh'halbh. A thaobh obrach a rinn an CIPD² o chionn ghoirid, tha rèit neo-làithreachd luchd-obrach Poileas a' Chinn a Tuath mar a bhiodh dùil ris ann am forsa Albannach d' a mheud ach tha neo-làithreachd nan oifigearan poileis nas mothaid na bhiodh dùil. Dh'fhoillsich HMICS sgrùdadadh nàiseanta o chionn ghoirid air stiùireadh làithreachd³ a dh'fhaodadh a bhith cuideachail dhan fhorsa a thaobh barrachd treòrachaидh is gus a chuideachadh an t-adhartas a rinn iad a ghlèidheadh.
99. Thug ath-sgrùdadadh an fhorsa comas do cheannardan a' phoileis oifigearan poileis a bharrachd a chur air cuairtean glè fhollaiseach ach a dh'aindeoin sin, cha do lughdaich an t-eagal ro eucoir is giùlan mì-shòisealta am measg na coimhearsnachd ach dh'èirich e. A dh'aindeoin gainnead de dhàta air riarrachas poblach aig an fhorsa anns an SPPF, tha sgrùdadadh de shuirbhidhean air beachdan a' phobaill a' sealltainn gu bheil riarrachas le follaiseachd is bun-tomhasan seirbheis a' phoileis am measg muinntir a' Chinn a Tuath air èirigh. Bu chòir dhan fhorsa dèiligeadh ris a' bheàrn eadar an dàrud mus lagaich deagh bhuaidh ath-sgrùdadadh an fhorsa.

² CIPD Absence Management Annual Survey Report 2009 (Aithisg CIPD air Suirbhidh Stiùireadh na Neo-Làithreachd 2009)

³ HMICS thematic report on attendance management 2010 (Aithisg chuspaireach HMICS air stiùireadh làithreachd 2010)


Amas 5 - cumail an òrduigh phoblaich

Tha an dàrna àireamh as ìse de thachartasan gràin-chinnidh ann an Alba aig Poileas a' Chinn a Tuath agus an rèit fuasglaidh as àirde de dh'eucoir air sgàth gràin-chinnidh. Rinn a adhartas a dh'ionnsaigh na targaiseanta gus 90 sa cheudad de ghlaodhan 999 a fhreagairt am broinn deich diogan ach 's e seo an aon fhorsa ann an Alba nach do shoirbhich le seo.

100. Soirbhich am forsa le àrdachadh de 8 sa cheudad de dh'eucoirean air sgàth gràin-chinnidh a chaidh a lorg rè 2008-2009. Ged a tha an àireamh seo de 84 sa cheudad na chomharradh air adhartas leis a' chùis seo, tha e fon targaid dhùbhlach de 90% a thagh am forsa dha fhèin. Ge-tà, tha an rèit fuasglaidh as àirde ann an Alba aig an fhorsa a thaobh eucoirean d' a leithid.
101. Ged nach robh am forsa a bheag a-mach air an targaid aige de ghleidheadh 'àireamh de thachartasan gràin-chinnidh ann am 1,000 de shluagh', 0.4 aig deireadh 2008/09, faodaidh gu bheil an àireamh de 0.5 ann am mìle de shluagh na chomharradh air earbsa nas àirde am measg na coimhlearsnachd 's iad a' dèanamh aithris dhan phoileas mu thachartasan mar seo.
102. 'S e Poileas a' Chinn a Tuath an aon fhorsa ann an Alba nach robh comasach air 90 sa cheudad de ghlaodhan 999 a fhreagairt am broinn deich diogan, an targaid nàiseanta ([Clàr 7](#)). Chaidh 86.8 sa cheudad de ghlaodhan èiginn a fhreagairt am broinn na h-ùine seo rè 2008-2009, àrdachadh de 16.7 sa cheudad o 2006-2007. A dh'aindeoin an treand bhrosnachail seo thairis air na trì bliadhna a dh'fhalbh, tha an dèanadas as miosa ann an Alba aig an fhorsa seo fhathast san raon seo. 'S e seo suidheachadh a ghabhas leasachadh gun teagamh sam bith 's bu chòir dhan fhorsa dèiligeadh ris.

Clàr 7

Cuibhreann de ghlaodhan 999 a chaidh a fhreagairt am broinn 10 diogan



Legend:
 Central: Meadhan;
 D & G: D & G;
 Fife: Fiobha;
 Grampian: Monadh Liath;
 L & B: L & C;

Northern: Tuath;
 Strathclyde: S Chluaidh;
 Tayside: T Tatha;
 Scotland: Alba

Aire: Chan eil dàta ri fhaighinn airson a' Mhonaidh Liath 2006/07.

Tùs: HMICS

Molaidhean leasachaidh

Am prògram leasachaidh

103. Tha sior leasachadh ann an seirbheisean poblach is riaghachas ionadail ann an teis mheadhain a' bheirt-dheilbh phoileasaidh airson deagh luach is planadh na coimhairsnachd. Feumaidh buill a' bhùird fòcas a chur air prìomh amasan poileasaidh agus feum luchd-cleachdaidh na seirbheise is nan coimhairsnachdan is iad a' dèanamh spàирn gus an ìre as àirde de bhun-tomhas a lorg. Feumaidh seo cultar far am bithear a' comharradh rudan a tha feumach air leasachadh, far an tèid an deasbad gu fosgailte 's far a bheilear a' toirt dùblain dhealbhach do dhèanadas seirbheise.
104. Tha fios aig Poileas a' Chinn a Tuath is aig a' Cho-Bhòrd dè na priomh chùisean a tha feumach air leasachadh agus tha iad a' toirt aghaidh orra.
105. Gus seirbheis poileas deagh luach a sholar do choimhairsnachdan na Gàidhealtachd, nan Eilean, Arcaibh is Sealtainn, feumaidh Co-Bhòrd Poileas a' Chinn a Tuath, Poileas a' Chinn a Tuath agus am priomh chonstabhal obair còmhla agus an t-uallach a roinneadh eatarra. Tha an clàr gu h-ìosal a' mìneachadh nam prìomh rudan a dh'fheumas am forsa 's am bàrd leasachadh.

Clàr-gnothaich leasachaidh

Co-Bhòrd Poileas a' Chinn a Tuath

1. Bu chòir dhaibh prògram trèanaidh leantainneach air cùisean a' phoileis a dhealbhadh airson buill a' bhùird.
2. Bu chòir do bhuill a' bhùird a bhith nas ro-ghniomhaiche ann an sònrrachadh raon is susbaint nan aithisgean a chur oifigearan a-steach. Gu h-àraig, bu chòir dhaibh dèanamh cinnteach gum faigh iad gu leòr a dh'fhiosrachadh a bheir comas dhaibh measadh iomlan a dhèanamh air adhartas an fhorsa a thaobh nam priomh thargaidean ro-innleachdail.
3. Bu chòir do bhuill a' bhùird sgrùdadadh nas ro-ghniomhaiche a dhèanamh air cleachdad nan goireasan le Poileas a' Chinn a Tuath, ga chuideachadh gus dreuchd nas làidire a ghabhail ann an stiùireadh leasachaidh agus comharradh is prìomhachasadhbh de ghnìomhan sgrùdaidh.
4. Bu chòir dhan bhòrd is dhan phrìomh chonstabal ath-sgrùdadadh a dhèanamh air an aithisg dèanadais bhliadhnaill phoblach gus dèanamh cinnteach gu bheil e ag aithris air dèanadas a' bhùird agus dèanadas an fhorsa.
5. Bu chòir do bhuill a' bhùird a bhith nas gnìomhaiche ann am marasgladh cunbalach de chunnartan ro-innleachdail is na nì oifigearan gus na cunnartan seo a lasachadh.

Poileas a' Chinn a Tuath

1. Bu chòir dhan fhorsa Plana Poileasachadh an Fhorsa is Ro-Innleachd Smachd an Fhorsa amalachadh gus an stiùireadh corporra agus sgaoileadh nam priomhachasan a neartachadh.
2. Bu chòir dhan fhorsa na leanas a dhèanamh gus piseach a thoirt air marasgladh is aithriseadh an dèanadais aige:
 - Marasgladh is aithris a dhèanamh air ghnìomhan bacaidh, fiosrachaiddh is èigneachaiddh a tha gam brosnachadh le Ro-Innleachd Smachd an Fhorsa.
 - Aithisgean iomlan air dèanadas a thoirt do cho-bhòrd a' phoileis.
 - Fiosrachadh iomlan air dèanadas a chur ri làimh a' phobaill air làrach-lin an fhorsa.
 - Na h-aithisgean marasglaidh air dèanadas a cho-rèiteachadh leis na h-amasan ro-innleachdail.
3. Bu chòir dhan fhorsa an aithisg aige a leudachadh gu Co-Bhòrd Poileas a' Chinn a Tuath mun adhartas a thathar ga dhèanamh an coimeas ris na molaidhean a rinn buidhnean sgrùdaidh on taobh a-muigh. Bu chòir dha adhbharan nan co-dhùnaidhean a rinn am forsa a mhìneachadh ann.
4. Bu chòir dhan fhorsa aontachadh gu foirmeil ri protacalan co-roinneadh fiosrachaiddh leis a chuid chom-pàirtichean a bharrachd air structar nan CPC.
5. Bu chòir dhan fhorsa cudrom a chur air leasachadh dèanadais sna raointeas seo leanas:
 - Fòcas air coileanadh nan targaidean nàiseanta is aontaichte a thaobh cur a-steach nan aithisgean do Phrocadair a' Chrùin is Aithrisiche na Cloinne.
 - Sior spàirn gus an ruig e targaidean nàiseanta ann an làimhseachadh nan glaodhan èiginn.

Co-Bhòrd Poileas a' Chinn a Tuath, ùghdarrasan a' phoileis (na comhairlean na bhroinn) is Poileas a' Chinn a Tuath

1. Obair còmhla ri chèile gus comasan a' bhùird a neartachadh gun urrainn dha dùbhlan is sgrùdadadh neo-eisimeileach a thoirt seachad.
2. Bu chòir do Cho-Bhòrd Poileas a' Chinn a Tuath obair còmhla ris na ceithir comhairlean na bhroinn gus dèanamh cinnteach gu bheilear a' cleachdadadh na dearbh dhòighean a chum aithris a dhèanamh dha na buill thaghte air gnìomhan is dèanadas Poileas a' Chinn a Tuath.

Leasachan 1

Na thathar an dùil ris o ùghdarrasan a' phoileis

Dh'fhoillsich Riaghaltas na h-Alba dà phriomh thùs de threòrachadh air dreuchd nam ball taghte is ùghdarrasan a' phoileis:

- Cuairt-litir 11/2003, *Implementing Best Value In The Scottish Police Service*, air fhoillseachadh san Dùblachd 2003.
- *Guidance to Members*, air fhoillseachadh san Ògmhios 2007.

Tha an dà sgriobhainn seo a' cur an cèill sia priomh cuspairean gnothaich còmhla airson ùghdarrasan a' phoileis is an cuid bhall:

- Feumaidh ùghdarrasan a' phoileis tòrachd a dhèanamh air deagh luach còmhla ris na priomh chonstabalan aig a bhios uallach airson obrachadh a' phoileis nan sgìrean. Bu chòir do bhuill ùghdarrasan a' phoileis co-uallich a ghabhail airson nam planaichean mu dheagh luach is dreuchdan eile san fhorsa agus obair còmhla ris a' phriomh chonstabal gus dèanamh cinnteach gun tèid a dhèanamh gu èifeachdach.
- Airson deagh luach, feumaidh na buill thaghte is seann mhanaidsearan lèirsinn a dhealbhadh mun dòigh air a chuireas deagh luach ri amasan corporra nan ùghdarrasan gu math, mar a stiùiricheas iad leasachadh nan seirbheisean is mar a chumar fiosrachadh ris an luchd-obrach.
- Tha dùil gun seall ùghdarrasan a' phoileis gu bheil iad a' freagairt ri feum a' phobaill is an luchd-ùidhe eile. Bu chòir do bhuaidh a bhith aig tuigse an fheum seo air planaichean, priomhachasan is gniomhan. Nì ùghdarrasan a' phoileis glè shoilleir gu poblach mar a dh'obraigheas iad còmhla ris na priomh chonstabalan air libhrigeadh deagh luach is mar a thèid aithris a dhèanamh air. Tha dreuchd sònraichte aca ann an dèanamh cinnteach gum bi co-chomhairleachadh leis a' phoball air ceistean poileasachaидh èifeachdach.
- Feumaidh gach ùghdarras cur roimhe fhèin mar a choileanas iad na dreuchdan seo. Ge-tà, faodaidh ùghdarrasan a' phoileis cur ri plana bliadhnaill a' phriomh chonstabail is aonta a chur ris.
- Bu chòir do bhuill ùghdarrasan a' phoileis sealltann gu bheil iad a' cur goireasan poblach gu feum cho èifeachdach 's a ghabhas agus gu bheil iad a' dèiligeadh ri ath-sgrùdaidhean air dòigh chruaidh is thapaidh a ghabhas a-steach gach pàirt an obrach.
- Feumaidh ùghdarrasan a' phoileis dèanamh cinnteach gu bheil am forsa a' cruinneachadh is a' toirt thuca deagh dhàta air dèanadas. Bu chòir do dh'ùghdarrasan a' phoileis an dàta agus seanchas sam bith a tha ris a sgrùdad. Faodaidh gum bi iad airson sgrùdad a bharrachd a dhèanamh 's iad a' cur ceistean air a' phriomh chonstabal mar phàirt de dheasbad leantainneach is mar phàirt de ath-sgrùdad air dèanadas an fhorsa.

Poileas is Co-Bhòrd Poileas a' Chinn a Tuath

Sgrùdadh is modh-sgrùdadh air deagh luach

If you require this publication in an alternative format and/or language, please contact us to discuss your needs.

You can also download this document at:

www.audit-scotland.gov.uk

www.scotland.gov.uk/hmics



Audit Scotland, 110 George Street, Edinburgh EH2 4LH
T: 0845 146 1010 E: info@audit-scotland.gov.uk
www.audit-scotland.gov.uk



1st Floor West, St Andrew's House,
Regent Road, Edinburgh EH1 3DG
T: 0131 244 5614 E: hmics@scotland.gsi.gov.uk
www.scotland.gov.uk/hmics

ISBN 978 1 906752 80 4

Printed on Revive 100 Uncoated, a Forest Stewardship Council (FSC) certified recycled grade containing 100% post consumer waste and manufactured at a mill certified with ISO 14001 environmental management standard. The pulp used in this product is bleached using an Elemental Chlorine Free process (ECF).